

Làsanj Anàbwanj kàsòn Ywan, Nsema

Làsanj Anàbwanj a Ywan, mbuur kàsòn la ntööm Ywan awà kàkál un'lonki anà un'sam a Yesu Klistò.

Nde wa kàsòn u Efeso kà isii a mbul 85 ungo a mböör a Yesu Klistò.

Ya itàkal naa baar bàtanjà bàkyàyoòb Ndaa anà nsyaäl a Yesu bàsòn Mätay, Malako anà Lukà, nde asaamà an'lonj an'mwey mà Yesu anà indiir imwey byàlyaanj unsà möö ande ntòn mukwey ngyööb aba.

Nde un'kaan awà kàyöñjà abà:

- 1.1-18: imbuur a Mwan anà mbäl ande
- 1.19-4.54: meey atàtweb, idiim a tàtweb, mbaan a tàtweb, anàlakwikilà bàtàtweb
- 5.1-12.50: làkwikilà anà mpem a bwoor, nsööl yan'bulà ngwal
- 13.1-17.26: mbör a ntsüü a un'lonj, ngyeel a nkalsà wumwey
- 18.1-20.3: ntöön anà iböñ: mwan awà bàpiy bwà, bàkyun'twey wàbalàbal.
- 21.1-25: ntsulà: nkyeenj an'pà in'kok ande akà alonki ande.

Ndaa yà pèelà anà möö

¹ U nsemà kàkàl Ndaa, Ndaa kàkàl anà Nzam, Ndaa kàkàl Nzam.

² Nde kàkàl u nsemà anà Nzam.

³ Indiir byanswà bàkyer u mbwo a nde, kà we anà undiir anki bàkõn akyer u mbwo a nde.

⁴ Mõõ kàkàl amu nde, mõõ wa kàkàl pèlâ a baar.

⁵ Pèlâ wàmunyen uboo a mpib, wêe mpib bun'yob anki.

⁶ Kàkàl anà mbuur mwey, ntõõm a Nzam, ikob ande Ywan.

⁷ Nde kàyi asànaa mbâl, ntõn muteel pèlâ imbal, ntõn baar banswà bàsi làkwikilà u mbwo a nde.

⁸ Nde kàkàl anki pèlâ, wêe nde kàkàl ntõn muteel pèlâ imbal.

⁹ Ndaa kàkàl pèlâ a ndandaa. Kàyi nde u mēen, nde àfàpà kyēey akà mbuur wanswà.

¹⁰ Nde kàkàl u mēen, mēen màyàmēnà u mbwo ande, wêe mēen mun'yob anki.

¹¹ Nde kàyi ntsu' akà bānde ñakwo, wêe ba bun'wel anki.

¹² Wêe akà baar bun'wel, akà baar bàfàsà làkwikilà kà ikob ande, nde kape ikõb mubulâ baan a Nzam.

¹³ Baar abanà babõr anki unsà an'kil, itàkal unsà ukwen a nduĩ, itàkal unsà ukwen a mbuur, wêe unsà ukwen a Nzam.

¹⁴ Ndaa kàbwäär nduĩ, nde kàkàl uboo a bi, wàñàýol a kab a ngway anà ndandaa. Bi kàkyàman làkoo ande, làkoo a Mwan baal mwey mpel kàfũ akà Taa.

¹⁵ Ywan amun'teel imbal, waa kan'kyään naa: « Le mbuur akwà kàten mɛ naa: "Mbuur awayà ungo'a mɛ kàfweel kusà a mɛ, ntɔn nde kakàl kusà a mɛ." »

¹⁶ Abun, unsà ukwà ande, bi banswà kàwɛl kab a ngway udu a kab a ngway.

¹⁷ Isàkal naa un'kɔɔn bàpɛ u mbwo a Mɔse, kab a ngway anà ndandaa byàyi u mbwo a Yesu Klistɔ.

¹⁸ Akà mbuur mwɛy kàmen anki Nzam akà ikikye, Mwan baal mwɛy mpɛl awà Nzam, awà uboo a Taa kà imɛɛy awà.

*Imbal a Ywan Un'düümà
(Mat 3.1-12; Mlk 1.1-8; Luk 3.1-18)*

¹⁹ Le imbal kàte Ywan mpal amfum a Ayudà a Yelusàlem bun'tööm ba angan anà alewi ntɔn mukun'fuul naa: « Ngye, ngye awà nà? »

²⁰ Nde kàkyer kyey mufuur, waa kàten naa: « Mɛ, mɛ kà in'wà Klistɔ anki. »

²¹ Waa ba bun'fuul naa: « Waa ngye awà nà bà? Nkye ngye awà Eli? » Nde kàfuur naa: « Aay, mɛ kà in'wà nde anki. » - « Nkye ngye awà Nangɔɔm? » Nde kàfuur naa: « Aay. »

²² Abun, ba bàten a nde naa: « Ngye awà nà bà? Ntɔn bi ikàpà mfuur akà baar bitöim. Ngye aten aben ntɔn ngye ɲakwo? »

²³ Nde kàten naa: « Mɛ, mɛ in'wà "ndaa a mbuur ifàsà in'kwen u nsye a ipɔl: Lələɔn aləä mbwo a Mwol!" » asanaa kàten ɲangɔɔm Yesay.

²⁴ Kyekà baar abà bàtöim bàkal Amfarisi.

25 Ba bàláb mufun'fuul, waa bàtèn naa: « Isàkal naa ngye kà Klistò anki, itàkal Eli, itàkal Nangoom, nton nkye akadüma ngye? »

26 Ywan kàfuur naa: « Mɛ, mɛ in'kadüma kà an'dà. Uboo a bɛ we anà mbuur mwey mpa làyob bɛ,

27 nde wàmuyà ungo a mɛ. Mɛ in'kwe anki musool in'sin a idyäär ande. »

28 Indiir abi byanswà byàlyaanà u Betani, u sim a Yordan, mper kàfadüma Ywan.

Yesu, Mwan a un'kòk a Nzam

29 Taantyà, nde kan'man Yesu wàmuyà ntsu'akà nde, waa kàtèn naa: « Le Mwan a un'kòk a Nzam awalwoŋ man'be a mɛn.

30 Awà mbuur akwà kàtèn mɛ naa: "Ungo a mɛ, we anà mbuur ayà, nde kàfweel itaan, nton nde kàkyàtakal."

31 Mɛ ñakwo sye kun'yobà anki. Wɛɛ nton nde muyàmenà akà un'sen a Isàlɛl, waa mɛ kàyi mudüma kà an'dà. »

32 Ywan kàtɛ imbal ande naa: « Mɛ, mɛ kàmen Dweelà kan'fà du, kan'yàtyà asànaa yem, waa kàn'yàbwaay udu a nde.

33 Mɛ, mɛ kun'yobà anki, wɛɛ mbuur akwà kan'tòm mudüma kà an'dà, kan'kyään naa: "Mbuur ayàman ngye naa Dweelà kan'yàtyà anà kan'yàbwaay udu a nde, nde awun ayàdüma u Dweelà In'kyɛl."

34 Mɛ, mɛ kàkyàman anà kàkyàtə imbal naa nde, nde wà Mwan a Nzam. »

Alonki a Yesu bàtātweb

³⁵ Taantya, Ywan kàfàkal ikal nsil kya anà alonki abööł uboo alonki ande.

³⁶ Mpal kàsyebà nde Yesu wàmulyaan, nde kàten naa: « Le Mwan a un'kòk a Nzam! »

³⁷ Alonki aba babööł bawem ndaa katen Ywan, ba bàlab Yesu.

³⁸ Yesu kabulà ungö; waa kàmen ba bàmuyun'lab, nde kafuul naa: « Ininà be lälènjà? » Ba bàfuur naa: « Rabi - iswanjà naa Un'lonj - ngye afàkal ken? »

³⁹ Nde kàten a ba naa: « Làyi, waa be làkàman. » Apan sye laa bun'lab ba, bàmen ba ikal kàfakalà nde, waa bàkal apà nde ilä'akin, la làkal taanjà lànà ungö a midi.

⁴⁰ Andre, un'tonj a Simòn Petolà, kàkal umwey uboo a abööł bàwem Ywan anà bàlab Yesu.

⁴¹ Kusa a nde mukàman mbuur asin, nde kàtākàman un'tonj ande ñakwo Simòn, waa kàten a nde naa: « Bi kan'swaal Mesya! » Ikaswanjà naa « Klistö ». —

⁴² Nde kun'syen akà Yesu. Yesu kun'ler a làä; waa kàten a nde naa: « Ngye, ngye awà Simòn, mwan a Ywan, ngye, ngye bàyabeelà Sefas. » Ikòb aki ikaswanjà naa Petolà.

Filipo anà Natanayel

⁴³ U taantya, Yesu kàwèl an'kyan mukya Ngalile. Nde kàbwey a Filipino, waa kàten a nde naa: « Yan'lab! »

⁴⁴ Kyekà Filipino kàkal un'nsi Betesayidà, bul làmwèy anà Andre anà Petolà.

⁴⁵ Nde kàkàman Natanayel, waa kun'kyään naa: « Bi, bi ban'swaal mbuur akwà bàsòn unsà Un'kòon a Mòse anà unsà anangwòm. Mbuur wa Yesu, mwan a Yòsefi, un'nsi Nasàler. »

⁴⁶ Natanayel waa kàten a nde naa: « Nkye undiir anàbwan sye kan'kwo utoo u Nasàler? » Filipino naa: « Yà, man. »

⁴⁷ Umpal kàmen Yesu Natanayel wàmuyàsin tsùtsu' apà nde, nde kàten ntòn nde naa: « Le un'nsi Isàlèl umwey wà ndandaa, awà akòon loor uboo a nde. »

⁴⁸ Natanayel kun'fuul naa: « Ngye mē an'yòb aben? » Yesu naa: « Kusà Filipino mutabel, mē amen itaan umpal akaì ngye u ngyel a un'te a fige. »

⁴⁹ Apan Natanayel kàfàfuur naa: « Rabi, ngye, ngye awà Mwan a Nzam, ngye, ngye awà mfum a Isàlèl! »

⁵⁰ Yesu kun'fuur naa: « Nkye ntòn amakyaän mē naa: mē amen u ngyel a un'te a fige, waa ngye an'sà làkwikilà? Ngye, ngye ayàman indiir mbòon byan'sòon bi. »

⁵¹ Nde kàfàkwey naa: « Ndandaa, ndandaa mē alàkyään, bē lāsàman du lan'dubà, akyeey a Nzam bàmubeenà anà bàmutyà udu a Mwan a mbuur! »

2

Un'kyòm a bór u Kana

¹ Kyekà, ilà' kyàtär, kàkàl anà un'kyòm a bór mwey u Kana, u Ngalile. Ngwàin a Yesu kàkàl kwo.

² Yesu sye bàkyer un'bel anà alɔŋki ande kà un'kyɔm awà.

³ Yàmenà naa man màkyer awà. Ngwän a Yesu kàten a nde naa: « Ba vin latɛy. »

⁴ Wɛɛ Yesu kun'fuur naa: « Un'kaar wà, ngye anà mɛ inina? Taan amɛ nàtàkwo anki. »

⁵ Ngwän waa kàten a asyaäl naa: « Làkyer yinä yanswà uten nde a bɛ. »

⁶ Paa màkäl anà an'buun, an'buun an'syaam mà nkɔŋ, amà bàfasyäälà Ayudà ntɔn mupɔŋ ndür. U labuun lámwey man'kwo ibilä isii a an'litre an'kwem an'tär anjitar.

⁷ Yesu kàsweŋ asyaäl naa: « Làyööl an'dà uboo a an'buun mà. » Ba sye waa bàyööl ma tii u mɔɔl.

⁸ Yesu kàten a ba naa: « Apanà, làtɛɛ an'dà anà làsyen ma akà mfum a un'kyɔm. » Ba waa bun'syeen ma.

⁹ Kàkyee nde, an'dà màkäl man'bulà vin. Nde kàyöb anki naa vin alà lan'fà ken. Wɛɛ asyaäl bàtɛɛ an'dà bàkyer ayöb. Apan sye nde kàbel nabor,

¹⁰ waa kàten a nde naa: « Baar banswà bàfàtapa vin anàbwan. Ungo, isakal naa baar ban'yör, waa bapà vin làkɔŋn ntsà. Wɛɛ ngye, ngye vin a ntsà akyer asàlɔɔn tii apanà! »

¹¹ Ayi nsemà a idiim a Yesu yàlyaan u Kana a Ngalile. Nde kàmɛɛy làkoo ande, alɔŋki ande waa bun'si làkwikilä.

¹² Ungo apan, Yesu kàtyà Kapernawum anà ngwän, anà atɔŋ ande anà alɔŋki ande. Ba kwo

bàkyer anki ilà'mbòon.

Yesu uboo a ndwà a Nzam

(Mat 21.12-13; Mlk 11.15-17; Luk 19.45-46)

¹³ Pak a Ayudà lākāl tsutsu' mukwo, Yesu waa kàbeenà Yelusàlem.

¹⁴ Nde kamen ayaäl a ngwomà, in'kòk, an'yem anà agyeeŋ a ngim sye bàkyàbwaay uboo a ndwà a Nzam.

¹⁵ Abun, nde kàkyer füm a in'sin, waa kàbòŋ ba banswà u ndwà a Nzam, anà ngwomà, anà in'kòk aba. Nde kàpay ngim a agyeeŋ anà kàbuum mesà aba.

¹⁶ Nde kàten a ayaäl a an'yem naa: « Lāl wom indiir abi byanswà pà! Twon lan'buul ndwà a Taaràmē ndwà atà yà! »

¹⁷ Alonki ande bàyobà naa bàsòn abà: « Ukwen a ndwà angye bàkyer asan'kwiiy. »

¹⁸ Apan, amfum a Ayudà bun'fuul naa: « Idiim nà an'kwo ngye mukyer, ntòn muswan naa ngye awe anà ikòb mukyer abà? »

¹⁹ Yesu kafuur naa: « Lābwaab ndwà a Nzam yi, ungo a ilà itār mē in'yambaar ya. » –

²⁰ Apan, Ayudà abà bāten a nde naa: « Yālōm mbul an'kwem an'nà anjisaam muton ndwà ayi, wēē ngye, ngye ya ayāmbaar ungo a ilà itār? »

²¹ Wēē, kyekà, ndwà a Nzam kàtēenà nde yākāl ndūr ande njakwo.

²² Ungōngō, umpal kàwiyà Yesu uboo a aku, alonki ande waa bàyobà naa nde kàkyāten abà. Kyakin bàsi ba lāk wikilā amu Ndaa Anàson anà amu ndaa kàten nde.

Yesu akyà'yòb ubwanàbwan mpem a mbuur

²³ Utaan kàkàl Yesu u Yelusàlèm, umpal a un'kyòm a Pak, bàmbòon bàsi làkwikilà kà ikòb ande ntòn idiim kàfakyerà nde.

²⁴ Wɛɛ Yesu, nde ba làkwikilà kasyeelà anki, ntòn nde kàkyayòb ba banswà ubwanàbwan.

²⁵ Nde kàkàl anki anà mfun nàa bun'teel imbàl ntòn mbuur, ntòn nde ñakwo kakyer ayòba naa ininà abyu mpem a mbuur.

3

Yesu anà Nàkàdim

¹ Kàkàl anà mbuur mwɛy kibòl a Amfarisi ikòb ande Nàkàdim. Nde kàkàl umwɛy uboo a amfum a Ayudà.

² Nde kàyi u mpib akà Yesu, waa kàten a nde naa: « Rabi, bi ikyà'yòb naa ngye awà un'lòon an'fà akà Nzam, ntòn akà mbuur mwɛy ukwe anki mukyer idiim asànaa afàkyer ngye, isàkal naa uboo ande Nzam watɛy. »

³ Yesu kun'fuur naa: « Ndandaa, ndandaa, mɛ akyaän: Isàkal naa mbuur bun'bör anki wàkuñ, nde ukwɛ anki muman Imwol a Nzam. »

⁴ Nakadim kun'fuul naa: « Nkye mbuur anànün kan'kwo bàfun'bör mbalà asin? Nkye nde kan'kwo ufàbilà mbalà yàyweel kà an'bal a ngwän waa bàfun'bör? »

⁵ Yesu kun'fuur naa: « Ndandaa, ndandaa, mɛ akyaän: akà mbuur mwɛy ukwe anki mubilà kà Imwol a Nzam, isàkal naa nde bun'bör anki kà an'dà anà u Dweelà.

6 Ayà ban'bör unsà un'sön yà un'sön, ayà ban'bör unsà Dweelà, yà dweelà.

7 Twon an'bem isàkal naa me an'ten a ngye naa: "Yan'kwo naa hafabör mböör a du."

8 Un'pöb afäful mper ayà ukwen wa. Ngye awem lāsō awa, wē ngye ayōb anki naa wa kan'fà ken, itàkal naa wa sye akyà ken. Ayi yà ndaa ifàlyaan uboo a mbuur wanswà awà ban'bör u Dweelà. »

9 Apan Nakàdim kun'fuul naa: « Ndaa ayi yan'kwo mukal aben? »

10 Yesu kun'fuur naa: « Ngye, ngye awà un'loon atoo lapan kà Isàlèl, waa ngye indiir abi ayōb anki!

11 Ndandaa, ndandaa, me akyään: bi ifàten ya iyōb bi, bi ifatà imbal a yakwà kàmen bi. Wē bē, bē lākwen anki lākyye imbal abi.

12 Isàkal naa bē lākakyeyà anki mpal alākyaänà me indiir a mēen, bē lākakyey aben isàkal naa me amālakyään indiir a du?

13 Nton, akà mbuur nàtābeenà anki du, nà Mwan a mbuur mpel awà kàfu du.

14 Asānaa Mōsē kambaar nde ntāy u nsye a ipol, abun sye basāmbaar Mwan a mbuur,

15 nton mbuur wanswà asà lākwikilà amu nde, ukal anà möö a mbul a in'tye.

16 Abun Nzam kākwen mēen mbōon, lalan kàpē nde Mwan baal ande mwēy mpel, nton mbuur wanswà asà lākwikilà amu nde ukōon akyà bwà, wē nde ukal anà möö a mbul a in'tye.

17 Ntɔn Nzam kàtòim anki Mwan baal ande u mɛɛn ntɔn mudwa mbuur ndwa, wɛɛ ntɔn mɛɛn iwu' mɔɔ u mbwɔ a nde.

18 Mbuur afasà nde làkwikilà bun'tsuül anki nsan. Mbuur mpa afasa làkwikilà, bakyun'tsuül mbar itaan, ntɔn nde kàsi anki làkwikilà amu ikɔb a Mwan baal mwɛy mpɛl a Nzam.

19 Nsan ya yi: pɛɛlà làyi u mɛɛn, wɛɛ baar bàkwɛn làpib kà ikal a pɛɛlà, ntɔn nsyää̀l aba yàkal yàmbe.

20 Abun, mbuur wanswà afàkyer ube, nde kan'tɔn pɛɛlà anà nde sye kan'kaabà anà la, manà nsyää̀l ambe ande iyàmenà u lenj.

21 Mbuur wanswà afàkyer ndandaa, nde afàya ntsu' awà pɛɛlà, ntɔn nsyää̀l ande amu Nzam imenà u lenj. »

Yɛsu anà Ywan

22 Ungö apan, Yɛsu kàkyen Yuday anà alɔŋki ande. Nde kábwaay kwo anà ba anà kàpɛɛ ndüümà.

23 Ywan sye kàpɛɛ ndüümà u Enɔ tsutsu' a Salim, ntɔn an'dà màkal mbɔɔn kwo. Baar bàyee akà nde, waa bàwɛlà ndüümà.

24 Ntɔn Ywan kàkal anki anàtàbilà bɔlokà.

25 Kyekà, nsyeel a mbaan yàkyer abwà uboo a alɔŋki a Ywan anà Un'yudà mwɛy unsà ndaa iler mpɔɔŋà a ndür.

26 Ba bàyàman Ywan, waa bun'fuul naa: « Rabi, mbuur akwà kàkalà anà ngye u sim a Yɔrdan lumwɛy, nde akwà kàtɛɛlà ngye imbàl, le nde sye

wàmupaa ndüümà anà baar banswà bàkyeenà akà nde! »

²⁷ Ywan kafuur naa: « Akà mbuur mwëy ukwe anki muwal undiir asin udu a undiir bun'pe fà du.

²⁸ Bë, bë ñakwo làbà ambal amë mpal kàtën më naa: "Më, më kà in'wà Klistò anki, wëë më in'wà mbuur batoim kusà a nde."

²⁹ Mbuur awe anà un'kyay, nde wà un'dim. Wëë akà un'sam ande afàkal ukol, wàmukun'wemà, ndaa a un'dim yàmukun'paa un'sak. Awà un'sak amë, wa wàñàkwo.

³⁰ Yubwan naa nde uyel, wëë më, më in'tyà.

Mbuur kan'fà du

³¹ « Mbuur kan'fà du, wà udu a baar banswà. Mbuur awà u mëen, wà mbuur a mëen, ndaa ande yà ndaa a mëen. Mbuur kan'fà du wà udu a baar banswà,

³² nde afàtā imbal a indiir kāmën nde anà kàwem nde, wëë aka mbuur mwëy afàkyey imbal ande watëy.

³³ Mbuur afàwal imbal ande, kan'beerà inyem naa Nzam wà ndandaa.

³⁴ Ntōn mbuur katoim Nzam afàtën ndaa a Nzam, ntōn nde afun'pà Dweela anàkwo.

³⁵ Taa akwen Mwan, waa kàpë indiir byanswà kà an'koo ande.

³⁶ Mbuur afàsà làkwikilà ande amu Mwan, we anà mōō a mbul a in'tye. Mbuur mpa afàsà làkwikilà amu Mwan usàman anki mōō, wëë nkyel a Nzam isàkal udu a nde. »

4

Yesu anà un'kaar un'nsi Samalya

¹ Mpal kàyoɓ Yesu naa Amfarisi bàwem naa nde kàfakyerà anà kàfaduimà alonki anàsöön Ywan,

² - Kuten anàbwan, Yesu kàfaduimà anki nde ñakwo, wɛɛ alonki ande. - Mpal kàwem Yesu indiir bàteenà baar,

³ nde kàlwomà u Yuday, waa kàfurà Ngaliɛ.

⁴ Mukyà kwo, yàlöm naa nde atsul uboo a Samalya.

⁵ Apan, nde kàtol bul a Samalya mwɛy ikɔb a la Sikar, tsutsu a ywan kàpɛ Yakɔb mwan ande Yɔsɛfi

⁶ ntsu lākāl fu a an'dà a Yakɔb. Nton yöön a mbwo, Yesu kākāl wāñābwaay kà un'beel a fu. La lākāl isii a taan a midi.

⁷ Un'kaar un'nsi Samalya mwɛy kàyi mutɛɛ an'dà. Yesu kàten a nde naa: « Mpe an'dà anwà. »

⁸ Nton alonki ande bākāl anàkyà bul mukàsom isaa adyà.

⁹ Wɛɛ un'kaar awà, un'nsi Samalya awà, kàten a nde naa: « Aben? Ngye Un'yudà, ngye awe anà yɔr mulöm an'dà anwà, akà mɛ, un'kaar mwɛy, un'nsi Samalya mwɛy? » - Kuten anàbwan, Ayudà un'tuüb watɛy anà Asamalya. -

¹⁰ Yesu kun'fuur naa: « Ilākāl naa ngye ayɔb kab a Nzam anà mbuur wa kan'ten wà a ngye

naa: "Mpe an'dà", ngye mbuur alun'lööm an'dà, waa nde ulapà an'dà a mōō. »

¹¹ Un'kaar waa kàten a nde naa: « Mwol, ngye akà kàntin latey, fu a an'dà la sye lànjàtyà mbōōn. Ngye an'dà a mōō ma mafaken? »

¹² Nkye ngye an'sōōn taaràbi Yakōb, mbuur kà ipe fu alà anà kànū an'dà mwo nde njakwo, anà baan ande anà itōjā ande? »

¹³ Yesu kun'fuur naa: « Mbuur wanswà anwà an'da ma, afasawem mfwāā a an'da,

¹⁴ wēē mbuur asānwà an'dà insun'pà mē, nde ufāsawem anki mfwāā a an'dà akà ikikyē, wēē an'dà insun'pà mē isābulā amu nde ntwa isāfuunā ntōn mōō a mbul a in'tye. »

¹⁵ Apan, un'kaar kàten a nde naa: « Mwol, mpe an'dà ma, ntōn mē in'kōōn afāsawem mfwāā a an'dà, waa mē mpa in'fāsàya mutēē an'dà apā. »

¹⁶ Yesu kàten a nde naa: « Kyen, un'bel un'dim angye, waa ayàfurà pà. »

¹⁷ Un'kaar kun'fuur naa: « Mē un'dim watēy. » Yesu naa: « Ngye awe anà ibōj muten naa: "Mē un'dim watēy." »

¹⁸ Ngye kākāl abā adim atyeen, baal awà ngye awà apanà, kà wà un'dim angye anki. Abun, ngye an'ten ndandaa. »

¹⁹ Apan, un'kaar kàten a nde naa: « Mwol, mē in'manà naa ngye awà njangōm. »

²⁰ Bātaarābi, bāfakōmā udu a mōj wā, wēē bē, bē lāten naa ikal kyan'kwo mukōmā kyā u Yelusālem. »

21 Yesu waa kàten a nde naa: « Un'kaar, nkyey, taan lāmuyà alà mpa lāsàkōmà bε Taa itàkal udu a mɔŋ awà, itàkal u Yelusàlem.

22 Bε, Asamàlya, bε lāfàkōmà Nzam mpa làyob bε. Bi, Ayudà, bi ifàkōmà Nzam iyob bi, ntɔn mɔɔ afàya u mbwo a Ayudà.

23 Wεε taan lāmuyà, la sye lan'ya, mpal aŋankōmà a ndandaa bàsakōmà ba Taa u Dweelà anà u ndandaa, ba bà aŋankōmà ufalɛŋ Taa.

24 Nzam wà Dweelà, kyakin baar bàfun'kōmà bun'kōmà unsà dweelà anà unsà ndandaa. »

25 Un'kaar waa kàten a nde naa: « Mε, mε in'kyayob naa Mesya, iswanà naa Klistɔ, asàkyer ayà. Mpal usàya nde, nde asikyään indiir byanswà. »

26 Yesu kun'fuur naa: « Mε, mε in'wà nde, mε mbuur in'yaämà wà anà ngye. »

27 Umpal bàyàfurà alɔŋki, ba bàmen ndaa mwey yubem ntɔn nde kàkal muyäämà anà un'kaar. Wεε akà mbuur mwey uboo aba kàkwe anki mukun'fuul naa: « Ngye nkye akwen akà nde? » Sye naa: « Ininà ngye akayäämà anà nde? »

28 Apan, un'kaar kàsawɔm lābuuŋ ande paa, waa kàkyen bul, waa kàten a baar naa:

29 « Yàlamen mbuur mwey kan'ten a mε indiir byanswà kàkyer mε. Nkye nde kà wà Klistɔ anki? »

30 Kyakin bàtoo ba u bul, bàyi ba mper akà nde.

31 Apan sye, alɔŋki bun'siinà naa: « Rabi, dyà! »

³² Wɛɛ nde kàtɛn a ba naa: « Mɛ, mɛ in'we anà isaa adyà, isaa mpa làyob bɛ. »

³³ Kyakin alɔŋki bàtɛnà ba, ba a ba naa: « Nkye ikyàkal naa mbuur mwɛy kun'twääl isaa adyà? »

³⁴ Yesu kàtɛn a ba naa: « Isaa adyà amɛ, byà ntɔn mukyer ukwen a mbuur kan'tɔm anà mukwɛy isal ande.

³⁵ Bɛ, nkye bɛ làfàtɛn anki bɛ ŋakwo naa: "Yan'sal nsɔŋ nà mubwo isaa." Wɛɛ mɛ, mɛ alàkyään naa làduub mii abɛ, anà làlɛr an'ywarj: mbɛŋ yan'sɔŋ anà yan'kwo mubwo!

³⁶ Un'pweel kan'wal làfur ande itaan anà kan'boba mbɛŋ ntɔn mɔɔ a mbul a in'tye, ntɔn mbuur kan'kɔn anà mbuur kan'bwo, bàmɛn un'sak ba bàbɔɔl.

³⁷ Abà, un'sim afàtɛn ndandaa naa: "Umwɛy afàkɔn, umwɛy afàbwo."

³⁸ Mɛ, mɛ kàlatɔm mukàbwo mbɛŋ làkɔɔn aman bɛ mpay, baar asin bàsɔɔn mwäänà. Wɛɛ bɛ, bɛ lan'bilà unsà bweel a isal aba. »

³⁹ Asamalya mbɔɔn bàsi làkwikilà amu Yesu ntɔn imbàl kàtɛ un'kaar naa: « Nde kan'tɛn amɛ indiir byanswa kàkyɛr mɛ. »

⁴⁰ Undiir awun, mpal bàyàkɔlà ba tsùtsù apà nde, ba bun'bɔɔn mukal anà ba. Yesu kàbwaay paa ilà'byeel.

⁴¹ Abun syɛ, un'kàbɔ a baar kàsi làkwikilà ntɔn ndaa kàtɛnà nde ŋakwo.

⁴² Waa ba bàtɛnà a un'kaar naa: « Bi kan'sà anki làkwikilà ntɔn ndaa kà ikyään ngyɛ, wɛɛ

ntɔn bi ɲakwo kàmuwem, waa bi kan'yòb naa ndandaa nde wà Un'tswàà a mǒǒ a mɛɛn. »

Yesu kan'kɔɔr mwan baal

⁴³ Ungo' a ila' byeel, Yesu kàlwomà apan, waa kàkyen Ngalile.

⁴⁴ Nde kàkyàän nde ɲakwo naa: « Ɗangɔɔm bàfun'pà anki làkoo u nsi ande ɲakwo. »

⁴⁵ Umpal kàtol nde u Ngalile, baar a itiir a nsi akin bun'wel ubwan, ntɔn ba bàkyer aman indiir byanswà kàkyer nde kà un'kyɔm, ntɔn ba sye bàkyen un'kyɔm.

⁴⁶ Apan Yesu kàfurà Kana u Ngalile, ntsu'kàbuul nde an'dà vin. Kàkal anà undweer a mfum a anjità mwey , mwan ande wàbaal kàkal anà ukyal u Kapernawum.

⁴⁷ Mpal kàwem nde naa Yesu kan'yà u Yuday a Ngalile, waa kàkun'man anà kun'bǒǒn naa nde utyà anà ukɔɔr mwan baal ande awà kàkal tsutsu' mukwà.

⁴⁸ Yesu kàten a nde naa: « Isàkal naa be làmɛn anki idiim anà impà, be làsà anki lakwikilà aka ikikye! »

⁴⁹ Mfum anjità awà kun'fuur naa: « Mwol, tyà kusà a mwan amɛ mukwà. »

⁵⁰ Yesu waa katen a nde naa: « Kyen, mwan angye we anà mǒǒ. » Mbuur awà kàsi làkwikilà u ndaa kàten Yesu a nde, waa kàkyen.

⁵¹ Umpal kàkal nde mutyà, baar a isal ande bàkàbwey ande, waa bun'kyàän naa: « Mwan angye kan'wà mǒǒ! »

⁵² Apan, nde kàfuul ba naa taan na mwan ande ukayà, ba bun'fuur naa: « Làbwey a mpye lálwomà ywenà, utaan atàtweb, ungo'a midi. »

⁵³ Taarànde kàyɔbà naa làkàl taan nsil lalɛy alà kun'kyään Yesu naa: « Mwan angye we anà mɔɔ ». Apan, nde anà ndwà ande yanswà bàsi làkwikilà amu Yesu.

⁵⁴ Kyaki kya idiim a impà kyáyweel kàkyer Yesu u mfuurà ande u Ngalile fà Yuday.

5

Yesu kan'kɔɔr ikar mwey wàbaal

¹ Ungo'a indiir abi byanswà, kàkàl anà un'kyom a Ayudà, waa Yesu kàbeenà Yelusàlem.

² Kyekà, u Yelusàlem, tsùtsu' a munàmbwo a In'kòk, kyàkàl anà itey a an'dà bàfàbel un'sà Ebelyɔ naa Bɛtesdà. Kya kyàkàl anà myäy, myäy in'tyeen.

³ Ungyel a myäy ami un'kàbɔ abey bàkàl musil: ikwàmii, anjibweel anà ikar bàkàl mudil naa an'dà inini,

⁴ nton utaan làmwey un'kyeey a Mwol mwey kàfatolà uboo a itey, waa kàfanii an'dà. Un'bey atàtweb kàfatolà kan'dà anàni, kàkyer afakɔɔrà itàkal naa ukyal ande abey bàkaben.

⁵ Kwo kàkàl anà ikar mwey kàkàl anà ukyal mbul an'kwem an'tàr aninaan.

⁶ Utaan kun'men Yesu wànjàbɔɔn anà kàyɔb nde naa nde kàbel itaan, nde kun'fuul naa: « Nkye ngye akyàkwèn akɔɔrà? »

⁷ Ikar kun'fuur naa: « Mwol, me in'we anki anà mbuur akan'toom uboo a itey umpal ifasemà an'dà munini. Umpal in'kyà me, mbuur asin kan'toomà kusà a me. »

⁸ Yesu kàten a nde naa: « Mbarà, sen ipoy angye, kyen. »

⁹ Apan sye, baal awà waa kàkɔɔrà, kàsen ipoy ande, waa kàsèmà mukyà. Kyekà, ilà'akin kyàkàl ilà'a saba.

¹⁰ Apan, amfum a Ayudà bàfuul baal awà kàkɔɔrà naa: « Nàbà ilà'a saba, ngye mbwo musyen ipoy angye yatey. »

¹¹ Wée nde kafuur naa: « Mbuur awà kan'kɔɔr, aten a me naa: "Wal ipoy angye, kyen." »

¹² Ba bun'fuul naa: « Nà mbuur awà aten a ngye naa: "Wal ipoy angye, kyen"? »

¹³ Wée mbuur awà kàkɔɔrà, kàyòbà anki naa nà kun'kɔɔr, ntɔn Yesu kàbilà uboo a ikòŋ a baar bàkàl kà ikal akin.

¹⁴ Ungöngö, Yesu kàfun'man uboo a ndwà a Nzam, waa kàten a nde naa: « Le, apanà ngye awà ñàkɔɔrà. Twon an'fàkyer man'be, ntɔn undiir anàsòön ube ukɔɔn afayeel. »

¹⁵ Baal awà kàkàkyään amfum a Ayudà naa Yesu kun'kɔɔr.

¹⁶ Lalan Ayudà bàmeɛyà ba Yesu nkwaan, ntɔn nde indiir abi kàkyerà ilà'a saba.

¹⁷ Wée Yesu kafuur naa: « Tii lalà Taa wàmusal, me sye in'wàmusal. »

¹⁸ Ntɔn ndaa ayi, amfum a Ayudà bàyilenà ipol mbɔɔn mukun'dwa, kànà ntɔn kàbeyà nde

saba anki, wɛɛ ntɔn kàtɛnà nde naa Nzam wà Taarànde ñakwo, abà nde mumènà làsìi làmwey anà Nzam.

Iköb a Mwan a Nzam

¹⁹ Apan Yesu kàfàwal ndaa, waa kàtɛn a ba naa: « Ndandaa, ndandaa mɛ alàkyään, Mwan ukwe anki mukyer akà undiir mwɛy nde ñakwo, wɛɛ nà wa akwà ufàman nde mukyer akà Taa. Ntɔn indiir byanswà ufàkyer Taa, Mwan sye afàkyer bya.

²⁰ Ntɔn Taa akwen Mwan, anà nde sye afun'swanj indiir byanswà ufàkyer nde ñakwo. Nde afàsun'swanj indiir mwɛy byàkolàkol byan'soön abi ntɔn bɛ làsàkal unsà ubem.

²¹ Ntɔn, asànaa Taa ufàwiɣy nde akü anà ufapà nde möö, abun sye Mwan afàpà möö akà mbuur awukwen nde.

²² Taa ufàtsüül anki mbuur nsanj, wɛɛ nde iköb atsul nsanj kyanswà kàpɛ akà Mwan,

²³ ntɔn baar bənswà bàsi Mwan làkoo, asànaa bafasa ba Taa làkoo. Mbuur mpa afasa Mwan làkoo, nde sye Taa awà kun'toim ufun'sà anki làkoo. »

²⁴ Nde kàkwɛy naa: « Ndandaa, ndandaa mɛ alàkyään, mbuur wanswà afàwem ndaa amɛ anà afàsà làkwikilà amu mbuur kan'toim, nde we anà möö a mbul a in'tye, nde uyà anki u nsanj, wɛɛ nde kàkyàtoo itaan unsà ukwà, nde kàkyàwal möö.

²⁵ Ndandaa, ndandaa mɛ alàkyään, taanj làmuyà - la sye lan'kwo - alà bàsàwem akü ndaa

a Mwan a Nzam. Baar bàsàwem ya, bàsàkal anà mǒǒ.

²⁶ Ntɔn, asànaa Taa awà nde anà mǒǒ amu nde ñakwo, nde kàpɛ mbwo akà Mwan mukal anà mǒǒ.

²⁷ Nde kun'pɛ ikǒb mutsul nsan, ntɔn nde wà Mwan a mbuur.

²⁸ Twon lan'man ndaa yubem unsà ya, ntɔn taan lāmuyà alà bàsàwem baar banswà abà uboo a an'dii ndaa ande.

²⁹ Baar bakyer indiir anàbwan bàsàwiya ntɔn muwal mǒǒ, wɛɛ baar bakyer indiir ibe, ba bàsàwiya ntɔn nsan.

³⁰ Mɛ, mɛ in'kwe anki mukyer akà undiir mwɛy mɛ ñakwo: mɛ in'fàtsul nsan a ndaa in'fàwem mɛ, lalan mbar in'fàtsul mɛ yà balàbal, ntɔn mɛ in'fàlɛn anki ukwen amɛ ñakwo, wɛɛ mɛ in'fàlɛn ukwen a mbuur kan'tòm.

Imbàl ntɔn Yesu

³¹ « Ilakal naa mɛ kàtɛɛ imbàl ntɔn mɛ ñakwo, kya kyàlàkal anki kyà ndandaa.

³² Wɛɛ mbuur asin afan'tɛɛl imbàl anà mɛ sye in'kyàyob naa imbàl ufan'tɛɛl nde kyà ndandaa.

³³ Bɛ, bɛ làtòm akyeey akà Ywan, nde waa kàtɛɛl ndandaa imbàl.

³⁴ Aka mɛ, mɛ mfun a imbàl a mbuur kyatey, wɛɛ an'tɛn mɛ abà, ntɔn bɛ làwu' mǒǒ.

³⁵ Ywan kàkal asànaa mwina anàkyäa'wàmupà pɛɛlà: u taan lāmwey bɛ làkwen muman un'sak a pɛɛlà ande.

³⁶ Wɛɛ mɛ, mɛ in'we anà imbàl anàsòòn kyà Ywan, ntɔn isal abyà kan'pɛ Taa mukyer, isal nsil

bya in'fàkyer me bi anà bya ifan'teel imbal nton muswan naa Taa kan'toim.

³⁷ Taa awà kan'toim nde ñakwo kàte imbal nton me. Wée be, be làwem anki akà ikikye ndaa ande, be làmen anki akà ikikye ntabwey ande.

³⁸ Ndaa ande yatay amu be, nton be mbuur kun'toim làfun'sà anki làkwikilà.

³⁹ Be, be làfalab pansi pansi Ndaa Anàson, nton be làfasi naa be làwal mōō a mbul a intye uboo aya: kyekà ya ñakwo ifatà imbal nton me!

⁴⁰ Wée be, be làkwen anki muyà akà me nton muwal mōō.

⁴¹ « Me in'fawal anki làkoo làfàfà akà baar.

⁴² Wée me in'kyayob naa amu be ukwen batay akà Nzam.

⁴³ Me, me kàyi kà ikob a Taa, wée be, be làtòn mukan'wal. Isakal naa mbuur asin kan'yà kà ikob ande ñakwo, be làkyer asun'wal!

⁴⁴ Aben, nkye be lan'kwo mukal anà làkwikilà, be baar làkoo abe làfàfà akà be a be, anà mpa làfàlen làkoo làfàfà akà Nzam mpel?

⁴⁵ Be twon lan'si naa me in'sàkyer alafuün kusa a Taa. Mbuur afuünà be Mōse awà làsi be làkyan abe.

⁴⁶ Kyakin, yalàkal naa be làsi làkwikilà amu Mōse, be làlāsà làkwikilà akà me sye, nton nde kàson nton me.

⁴⁷ Wée isakal naa be làsi anki làkwikilà u ndaa kàson nde, be lan'kwo aben musa làkwikilà u ndaa amé? »

Yesu kan'dii abaal nsaab tyeen
(Màt 14.13-21; Mlk 6.30-44; Luk 9.10-17)

¹ Ungo a indiir abi, Yesu kàsabà sim a ewà a Ngaliè lumwëy, akyà bàfàbèl sye naa Tiberyade.

² Ikoŋ a baar mbòon kyàkal muyun'lab, ntòn bàmen ba idiim kàkyerà nde udu a abey.

³ Kyakin Yesu kàbeenà nde udu a mɔŋ, kàbwaay nde paa anà alonki ande.

⁴ Pak, un'kyom a Ayudà, làkal tsutsu mukwo.

⁵ Kyekà, kàsen nde mii, nde kàmen ikoŋ a baar mbòon kyan'yà akà nde, nde kàfuul Filipino naa: « Bi kan'kwo musom ken mampà ntòn baar bà bàdi? »

⁶ - Kàten nde abà ntòn mubilà Filipino u mpem, ntòn akà nde, nde kàkyer ayobà naa nde ininà uyàkyer. -

⁷ Filipino kun'fuur naa: « Itàkal làfur a mbul mwëy lun'syàäl a an'ywan làkwo anki musom mampà isàkal naa mbuur mbuur awal itàkal kitsu. »

⁸ Umwëy uboo a alonki ande, ikòb ande André, un'ton a Simòn Petolà, kàten a nde naa:

⁹ « Mwan baal mwëy awà apà, nde we anà mampà an'tyeen mà orze anà bibaan a nsò byeel. Wëe indiir abi nkye byan'kwo mukyer akà un'kàbo a baar? »

¹⁰ Yesu kàten naa: « Laswen baar bàbwaay. » Ikal akin kyàkal anà in'len mbòon. Baar waa bàbwaay, ba bàkal abaal isii a nsaab tyeen.

¹¹ Apan, Yesu kàwël mampà, kàfuur an'toon,

waa kàkàb akà baar bàkàl paa. Nde kàkyer abun sye ntòn nsò: nde kapɛɛ yinà yanswà bàkweenà ba muwal.

¹² Umpal bàyüür ba, Yesu kàtèn a alɔŋki ande naa: « Lákòhà itiir byan'sal, ntòn akà undiir uköön akyà bwà. »

¹³ Ba bakòhà bya, waa bàyööl in'lwan, in'lwan kwem aniyweel a itiir a mampà an'tyeen mà ɔrɛ byàsaäl akà baar bàdi.

¹⁴ Mpal bàmen baar impà kàkyer nde, ba bàtèn naa: « Ndandaa mbuur awà, wà Nangoom awayà u mɛɛn! »

¹⁵ Wɛɛ Yesu, abà kàyòb nde naa ba bàkyer ayun'wal a ngwal ntòn mukun'sà mfum, nde kàfàkyà u mpey anàyen udu a mɔŋ.

Yesu wàmuyikyà udu a an'dà

(Màt 14.22-33; Mlk 6.45-52)

¹⁶ Mpal làbù sisye, alɔŋki ande bàyàtyà kà un'kool a ewà,

¹⁷ ba bàbilà u bwaar làmwey, waa bàsemà mubweel ewà ntòn mukyà Kapernawum. Làpib làkàl lan'bwà itaan, Yesu kàkàl anki anàtataan.

¹⁸ Un'pob angwal kàkàl muful, ewà kyàkàl munini.

¹⁹ Ba bàkàl ban'kyer an'kilometre an'tyeen, itàkal an'syaam, ba bàmen Yesu wàmuyikyà udu a an'dà, wàmuyàsin tsùtsù a bwaar. Apan boomà làkyer akaar.

²⁰ Wɛɛ Yesu kàtèn a ba naa: « Wà mɛ, twon lan'man boomà! »

21 Ba bàkwen mukun'wal u bwaar, wée la làkal lan'tol u meen kà ikal akyà bàkyen ba.

Ikōh a baar kyàmuleh Yesu.

22 U taantye, ikōh a baar basàsal u sim lumwey, bàmen ba naa bwaar làkal làmwey mpel paa, naa Yesu sye kàkyen anki mbwo mwey anà alonki ande uboo a bwaar aba, wée ba, bàkyen ba mpel anàyen.

23 Apan sye, an'bwaar asin mǎfũ Tiberyade, mǎyàkolà tsutsũ kà ikal bàdi ba mampà, ungō kǎfuur Mwol an'toon.

24 Wée utaan kamen ikōh a baar naa itàkal Yesu, itàkal alonki ande bàkal anki paa, baar bàbilà kà an'bwaar, waa bàkyen Kapernawum mukàlen Yesu.

Yesu wà làmpà a mǎö

25 Utaan bun'men ba u sim a ewà lumwey, ba bàten a nde naa: « Rabi, ngye apà an'yàkolà taan nà? »

26 Yesu kafuur naa: « Ndandaa, ndandaa me alàkyään, kà nton impà làmen be anki waa be, be làyan'len, wée nton ladi be mampà anà làyüür be.

27 Twon lan'sal nton isaa abyà ifàtay, wée nton isaa ifalam nton mǎö a mbul a in'tye, bya akwà usàlapà Mwan a mbuur, nton nde wà mbuur kàsi Taa Nzam inyem ande. »

28 Apan, ba bun'fuul naa: « Ininà bi kan'kwo mukyer nton musal isal a Nzam? »

29 Yesu kafuur naa: « Isal udilà Nzam akà be kyà musa lakwikilà amu mbuur katoim nde. »

³⁰ Apan ba bun'fuur naa: « Wɛɛ ngye, idiim nà ngye akyer ntɔn bi imɛn anà bi kasi làkwikilà? Ininà ngye afàsal?

³¹ Bànkāa abi bàdi mane u nsye a ipɔl, asànaa bàsɔn ya naa: "Isaa kape nde mudyà byà làmpà làfu' du." »

³² Apan Yesu kàtɛn a ba naa: « Ndandaa, ndandaa mɛ alákyāān, kà Mɔsɛ tɛy kàlape làmpà a du, wɛɛ Taa amɛ afàlapà làmpà a du là ndandaa.

³³ Ntɔn làmpà a Nzam là mbuur kan'fà du anà kan'pà mɔɔ u mɛɛn. »

³⁴ Apan, ba bātɛn a nde naa: « Mwɔl, ipɛ taan lanswà làmpà alà. »

³⁵ Yesu kàtɛn a ba naa: « Mɛ, mɛ in'wà làmpà a mɔɔ. Mbuur awayà akà mɛ usàwem anki ngyal akà ikikye, mbuur awà asà làkwikilà amu mɛ, usàwem anki mfwāā akà ikikye.

³⁶ Wɛɛ, mɛ ya kàkyàtɛn a bɛ naa: bɛ làkyàman, wɛɛ bɛ lāsaa anki làkwikilà.

³⁷ Baar banswà kan'pà Taa bàsàyà akà mɛ, anà mbuur ayà akà mɛ, mɛ in'sun'piy anki,

³⁸ ntɔn kàyàtɔlà mɛ fà du, kà mukyer ukwen amɛ ɲakwo anki, wɛɛ mukyer ukwen a mbuur awà kan'tɔm.

³⁹ Le, ukwen a mbuur awà kan'tɔm abà: naa mbuur wanswà kan'pɛ nde ukɔɔn akyà bwà, wɛɛ mɛ un'wiiy kà ilā a ntsuū.

⁴⁰ Abun, ukwen a Taarāmɛ abà: mbuur wanswà aman Mwan anà asà làkwikilà amu nde, ukāl anà mɔɔ a mbul a in'tye, waa mɛ, mɛ in'sun'wiiy

kà ila' a ntsüü. »

⁴¹ Semà apan, Ayudà bàbulà munjünün ntòn kàten nde naa: « Mɛ, mɛ in'wà lampa làfù du. » –

⁴² Ba waa bàfateenà naa: « Nkye nde kà Yesu, mwan a Yosefi anki? Nkye bi taarànde anà ngwàn kayob anki? Aben nde kan'kwo mukyey uyol apanà naa: "Mɛ an'yàtolà fà du"? »

⁴³ Wɛɛ Yesu kafuur naa: « Twon lan'jünjün be a be.

⁴⁴ Akà mbuur mwey ukwe anki muya akà mɛ isàkal naa Taa awà kan'tòm kun'naan anki, waa mɛ, mɛ insun'wiyy kà ila' a ntsüü.

⁴⁵ Anangwom bàsòn abà: "Nzam asàlɔŋ ba banswà." Mbuur wanswà kàwem Taa anà kàkyey an'loɔŋ ande, ayà akà mɛ.

⁴⁶ Ikaswanà naa akà umwey kàmen anki Taa akà ikikyè, nà mbuur mwey awà kàfù akà Nzam, nde awà kàmen Taa.

⁴⁷ Ndandaa, ndandaa, mɛ alàkyään: mbuur asà làkwilà we anà mɔɔ a mbul a in'tye.

⁴⁸ Mɛ, mɛ in'wà lampa a mɔɔ.

⁴⁹ Bànkàa abe bàdi mane u nsye a ipol, wɛɛ ba bàkyàkwà.

⁵⁰ Wɛɛ lampa làyàtolà fà du, là naa mbuur adyà la ukwɔn akwà.

⁵¹ Mɛ, mɛ in'wà lampa alye anà mɔɔ làfù du. Isàkal naa mbuur kan'dyà unsà lampa alà, nde asàkal anà mɔɔ a mbul a in'tye. Lampa alà in'sàpà mɛ, lun'sòn a ndür amɛ an'pà mɛ ntòn meen ikàl anà mɔɔ. »

⁵² Apan, Ayudà bàsyeelà mbaan a ngwalàngwal ba a ba: « Aben mbuur wà kan'kwo mupà bi un'sòn a ndür ande naa bàdi wa? »

⁵³ Abun, Yesu kakyään naa: « Ndandaa, ndandaa me alàkyään: isàkal naa be làdi anki un'sòn a ndür a Mwan a mbuur anà be lànü anki an'kil ande, be mǝǝ lasakal awa anki.

⁵⁴ Mbuur awadyà un'sòn a ndür ame anà anwà an'kil ame, nde we anà mǝǝ a mbul a in'tye, waa me, me insun'wiyy kà ilà a ntsüü.

⁵⁵ Ntɔn un'sòn a ndür ame wà isaa a ndandaa byadya anà an'kil ame ma man a ndandaa.

⁵⁶ Mbuur awadyà un'sòn a ndür ame anà anwà an'kil ame, nde wà amu me anà me in'wà amu nde.

⁵⁷ Asànaa Taa awà kan'tòm awà nde anà mǝǝ, me sye in'wà anà mǝǝ u mbwo ande. Abun, mbuur asan'dya, nde asàkal anà mǝǝ u mbwo ame:

⁵⁸ Alà là làmpà làyàtolà fà du. La kà latey asànaa la akwà bàdi bàkaaa abe. Ba, ba bàkyàkwà. Wɛɛ mbuur asàdyà làmpà là, nde asàkal anà mǝǝ a mbul a in'tye. »

⁵⁹ Indiir abi nde kàlɔɔnà u ndwà a nkoŋ a Ayudà u Kapernawum.

Ndaa a mǝǝ a mbul a in'tye

⁶⁰ Ungo' bawem ba Yesu, bàmboon uboo a alɔŋki ande baten naa: « Ndaa ayi yà bwoor! Nà kan'kwo muwem ya? »

⁶¹ Wɛɛ nde kayɔb nde ŋakwo naa alɔŋki ande bākāl mukun'twe ntɔn ndaa ayi, waa kàtɛn a ba naa: « Nkye ndaa ayi yàmàladii ukyal?

⁶² Akya isàkal naa bɛ lan'man Mwan a mbuur wàmubɛɛnà mper kākāl nde kusa?

⁶³ Dweelà lāfāpā mōō, wɛɛ un'sɔn a ndūr wà undiir mwɛy ndoŋ watɛy. Ndaa an'tɛn mɛ a bɛ yà dweelà anà mōō.

⁶⁴ Wɛɛ bamwɛy uboo abɛ bāfàsà anki lāk wikilā.
» Abun, Yesu kākɛy ayɔbā fā nsemā naa bānā mpa bāsɛy lāk wikilā anà nà kàlun'yālā.

⁶⁵ Nde kākɛy naa: « Kyakin kàlakyāän mɛ naa: "akà mbuur mwɛy ukwe tɛy muyā akà mɛ, isàkal naa ya Taa kun'pɛ anki." »

⁶⁶ Fā apan, alɔŋki ande mbɔɔn bākɛy alwomā, waa bāwɛy muyikyā anà nde.

⁶⁷ Apan, Yesu kàtɛn a Bākwem Anjiweel naa: « Atɔl bɛ, nkye bɛ lākwen anki mukyā? »

⁶⁸ Simɔn Petolā kun'fuur naa: « Mwɔl, bi ikyā akà nā? Ngye awe anà ndaa a mōō a mbul a in'tye.

⁶⁹ Bi, bi kākɛyāsà lāk wikilā anà kākɛyāyɔb naa ngye, ngye awā Njun'kyɛɛl a Nzam. »

⁷⁰ Yesu kafuur naa: « Nkye kà mɛ anki kàlasōl, bɛ Bākwem Anjiweel? Kyekā umwɛy uboo abɛ wā ilɛŋ! »

⁷¹ Abun, nde kàtɛnà ntɔn Yudasi, Mwan a Simɔn Isikalyɔt. Ntɔn nde wumwɛy uboo a Bākwem Anjiweel awā kàlun'yālā.

7

Nkōñ a làkwikilà a atɔŋ a Yesu

¹ Ungo' apan, Yesu kàyilyaanà u Ngalilè. Nde kàkwen anki muyilyaan u Yuday, ntɔn amfum a Ayudà bàlenà mukun'dwa.

² Kyekà, un'kyòm a ndwà a nten a Ayudà kàkàl tsùtsù.

³ Apan, atɔŋ a Yesu bàten a nde naa: « Lwomà apà, kyen Yuday, ntɔn alɔŋki angye sye bàmen isal akyerà ngye bi.

⁴ Akà mbuur mwɛy ufàkyer anki undiir u nku isàkal naa nde akwen umenà. Ntɔn akakyerà ngye indiir abi, wɛy ngye ñakwo sye amenà u mii a baar. »

⁵ Abun, atɔŋ ande ñakwo bun'si anki làkwikilà.

⁶ Apan Yesu kàten a ba naa: « Taan amɛ ñàtàkwo anki. Wɛɛ akà bɛ, taan lanswà là ubwan.

⁷ Mɛɛn ikwe tɛy mukàlayiɛn, wɛɛ mɛ, nde akyer afan'yiɛn, ntɔn mɛ in'fatà imbaɪ naa isal ande byà ibe.

⁸ Kyakin, bɛ, bɛ làbeenà un'kyòm. Akà mɛ, mɛ in'beenà tɛy un'kyòm, ntɔn taan amɛ ñàtàkwo anki. »

⁹ Ungo' muten abà, nde kàsàbwaay u Ngalilè.

Yesu kà un'kyòm a ndwà a nten

¹⁰ Wɛɛ mpal bàkyen atɔŋ ande un'kyòm, apan, nde sye kàbeenà anàyen, kà u mii a baar anki, wɛɛ asànaa u nku.

11 Umpal a un'kyom, amfum a Ayudà bàyun'lenà ba, waa bàteenà naa: « Wàken nde bà? »

12 Baar bàsyeelà mbaan mboon ntòn nde uboo a nkòj. Amwèy naa: « Nde wà mbuur anàbwan ». Wèe bumwèy naa: « Naa, nde wà muyibwiy baar ndwan. »

13 Itàkal abun, akà mbuur mwèy kàteenà anki u mii a baar, ntòn ba bàtiinà amfum a Ayudà boomà.

14 Un'kyom kàkal kan'tol uboboo, Yèsu kàbeenà ndwà a Nzam, waa kàlòonà.

15 Amfum a Ayudà bàmen ndaa yubem, waa bàteenà naa: « Aben nde uyobà, nde mbuur mpa kàtàn? »

16 Yèsu kafuur naa: « An'lòon amè kà man'fà akà mè anki, wèe mambuùr kan'tòm.

17 Isàkal naa mbuur akwen mukyer ukwen a Nzam, nde asàyòb naa nkye an'lòon amà man'fà akà Nzam, lèe mè in'wà muten kà ikòb amè ñakwo.

18 Mbuur afàten ntòn nde ñakwo, afàlen lākoo ande ñakwo. Wèe mbuur afàlen lākoo a mbuur kun'tòm, nde wà mbuur a ndandaa, usòor akà nde batèy.

19 Nkye kà Mòsè anki kàlapè Un'koon? Wèe akà umwèy uboo abe ufàsyàäl anki wa. Ntòn nkye lākwen bè mukan'dwa? »

20 Ikoj a baar kyun'fuur naa: « Ngye awe anà un'sonà! Nà akwen akadwa? »

21 Yesu kafuur naa: « Mɛ, mɛ an'kyer isal imwey, wɛɛ bɛ banswà, bɛ lan'bem!

22 Ntɔn Mɔsɛ kàlaswɛn mukyey baan abaal - ya sye yàfù anki akà Mɔsɛ, wɛɛ yàfù akà bànkaa - waa bɛ làfàkyey baal mwey ilà a saba.

23 Isàkal naa bɛ lan'kwo mukyey baal mwey ilà a saba ukɔɔn abey Un'kɔɔn a Mɔsɛ, ntɔn nkye làman'wem bɛ nkyɛl ntɔn an'kɔɔr mɛ baal anjun'kiinà ilà a saba?

24 Twon lan'tsul mbar ntɔn ubwan a nsà, wɛɛ làtsul mbar a balàbal. »

Nkye Yesu wà Klistɔ?

25 Nɔam a baar uboo a baar a Yelusàlɛm bàtɛɛna naa: « Nkye wa ka mbuur bayilen ba mudwa anki?

26 Le, nde wàmuten u mii a baar, wɛɛ akà mbuur a un'sà nso watɛy! Nkye amfum abi ban'kyey naa ndandaa nde wà Klistɔ?

27 Mpal usàyà Klistɔ, akà mbuur mwey usàyòb anki ntsu kan'fà nde. Wɛɛ baal wà, bi ikyàyòb ntsu kan'fà nde. »

28 Apan, umpal kàlɔɔnà Yesu u ndwà a Nzam, nde kàsi un'kwɛn: « Bɛ, bɛ làkyan'yòb! Bɛ làkyàyòb ntsu an'fà mɛ! Wɛɛ mɛ, mɛ kàyi anki mɛ nɔkwo, mbuur awà kan'tòm wà ndandaa. Bɛ, bɛ lun'yòb anki.

29 Mɛ, mɛ in'kyun'yòb, ntɔn mɛ kàfù akà nde, nde sye kan'tòm. »

30 Apan, ba bàlɛn mukun'kɔɔr, wɛɛ akà mbuur kun'ba anki, ntɔn taan ande làkàl anɔkwo anki.

³¹ Uboo a ikoŋ, baar mbɔɔn bàsi làkwikilà amu nde. Ba bàtɛnà naa: « Nkye mpal usàyà Klistɔ, nde asàkyer impà anàsòòn abyà ukyerà mbuur wà? »

Aseey ntɔn mukɔr Yesu

³² In'ŋün myàkal uboo a ikoŋ a baar ntɔn Yesu, myàyàboɩ kà an'tsü a Amfarisi. Apan, andwer a angan anà Amfarisi waa bàtɔm aseey ntɔn mukun'kɔr.

³³ Yesu kàten naa: « Mɛ, mɛ in'wà anà bɛ taan ikikye, ungo mɛ in'kyà ntsü akà mbuur kan'tɔm.

³⁴ Bɛ làkyer asan'len, wɛɛ bɛ làsan'man tɛy, ntɔn bɛ làkwe anki muyà kà ikal in'sàkal mɛ. »

³⁵ Fà apan, amfum a Ayudà bàsemà mufuul ba a ba naa: « Nde apɛy ayàkyà ken ntɔn bi ifàkɔɔn un'man? Nkye nde apɛy ayàkàtaan Ayudà akwà bàpää uboo a Angɛlɛki? Nkye nde apɛy Angɛlɛki usàkalɔŋ?

³⁶ Ikaŋwà aben ndaa uten nde ayɛy naa: "Bɛ, bɛ làkyer asan'len, wɛɛ bɛ làsan'man tɛy, naa sye bɛ làkwe tɛy muyà kà ikal in'sàkal mɛ"? »

Ngyal a an'dà a mɔɔ

³⁷ Ilä a ntsüü a un'kyɔm kyàkal ilä mwɛy kyà kolàkol. Yesu kàkal umbär wàmukyaänà naa: « Isàkal naa mbuur we anà mfwää, wɛy nde uyi akà mɛ, waa unwà.

³⁸ Mbuur awe anà làkwikilà amu mɛ, "ngyal a an'dà a mɔɔ isàtoo u mpem ande", asànaa itɛnà Ndaa Anàsɔn. »

³⁹ Kàtɛɛnà nde abunà, yà ntɔn Dweelà bàlàwal baar bàlàsà làkwikilà aba amu nde. Umpal ayin, Dweelà kàkàl anàtàpà anki, ntɔn Yesu kàkàl anki anàtàwal làkoo.

Ikòŋ kyan'kaabà ntɔn Yesu

⁴⁰ Amwɛy uboo ikòŋ bàwem ndaa ayi, ba bàtɛɛnà naa: « Ndandaa mbuur awà, wà Nangɔm! »

⁴¹ Bumwɛy bàtɛɛnà naa: « Nde wà Klistɔ! » – Wɛɛ bumwɛy bàfuur naa: « Nkye Klistɔ sye an'kwo utoo u Ngalilɛ?

⁴² Nkye Ndaa Anàson itɛɛnà anki naa nde asàkal mbuur a ywar a David, nde asàfà Betelɛm, bul kàkalà David? »

⁴³ Apan, ikòŋ kyàkaabà ntɔn nde.

⁴⁴ Amwɛy uboo a ba bàkweenà naa bun'kòr, wɛɛ akà mbuur mwɛy kàkwe anki mukun'ba.

Nkɔŋ a làkwikilà a amfum a Ayudà

⁴⁵ Aseey bàyàfurà ba akà andweer a angan anà Amfarisi, ba bafuul naa: « Ntɔn nkye mpa làtwääl bɛ Yesu? »

⁴⁶ Aseey bàfuur naa: « Akà mbuur mwɛy nàtàtɛn anki akà ikikye asànaa nde! » –

⁴⁷ Apan, Amfarisi bafuul naa: « Nkye anà bɛ sye, nde akyàlabwiy ndwan?

⁴⁸ Nkye we anà umwɛy uboo a amfum itàkal uboo a Amfarisi, kàsi làwikilà amu nde?

⁴⁹ Wɛɛ baar abà, baar mpa bàyòb Un'kɔɔn akà ikikye, ba bàŋàkuül! »

50 Wɛɛ umwɛy uboo a Amfarisi, Nàkàdim akwà kàkàman Yesu itaan, kàtɛn a ba naa:

51 « Nkye Un'kɔɔn abi afàtsuùl mbuur mbar ukɔɔn atun'wem anà muyòb naa nde nkye kan'kyer? »

52 Ba bun'fuur naa: « Nkye ngye sye awà un'nsi Ngalilɛ? Lɛɲ, ngye ayàman naa akà ɲangɔɔm mwɛy ufàtoo anki u Ngalilɛ akà ikikye. »

53 Ungò apan, mbuur mbuur kàfurà ndwà ande.

8

Yesu anà un'kaar inswem

1 Yesu kakyen mɔɲ a In'te a olive.

2 Ututu tutu, nde kàyàfurà u ndwà a Nzam. Un'sɛɲ a baar wanswà kàyi akà nde, nde waa kàbwaay, waa kàsɛmà mulɔɲ.

3 Apan, alɔɔɲ a Un'kɔɔn anà Amfarisi bun'twàäl un'kaar mwɛy bàkòr ba wàmutà inswem, waa bun'tɔɔl uboboo a baar banswà,

4 waa bàtɛn a Yesu naa: « Un'lɔɔɲ, un'kaar wà bàmun'kɔr wàmutà inswem.

5 Unsà un'kɔɔn, Mɔsɛ kà iswɛɲ mutà akaar a tub abà in'kul. Waa ngye, ngye an'tɛn aben bà? »

6 Bàtɛnà ba abà ntɔn ba bun'lweb ndaa, anà ba bàkal anà un'diir ban'kwo ɲa mukun'fuiin. Wɛɛ Yesu waa katsuüm, kasema mubaar in'dyàra a lapin u mɛɛn.

7 Ntɔn bàsi ba mukuünà mukun'fuul, Yesu kàsuub un'tswe, waa kàtɛn a ba naa: « Isàkal naa apà we anà mbuur mwɛy uboo a bɛ mpa

anàtakyèr man'be akà ikikye, wèy nde kun'kaim un'kul atàtwèb. »

⁸ Ungo, kafatsuüm nde, nde kàsòn u mæn.

⁹ Ungo bawem ba ndaa ayi, ba bàsemà mutà upay umwèy umwèy, semà akà andweer. Wèè Yesu kàsàsal anàyen, un'kaar kàkyàmbar kusà a nde.

¹⁰ Apan, Yesu kàsuub nde un'tswe, waa kun'fuul naa: « Un'kaar, baken ba? Nkye akà mbuur akyapà ikwàndwà? » –

¹¹ Nde kàfuur naa: « Naa, Mwol, akà mbuur. » Waa Yesu kàtèn a nde naa: « Mè sye, mè apà anki ikwàndwà. Kyen, twon an'fàkyèr man'be. »

Yesu wà pèlà a mæn

¹² Yesu kàfàtèn a ba naa: « Mè, mè in'wà pèlà a mæn. Mbuur ayan'lab, nde usàkyà anki u mpib akà ikikye, nde asàwal pèlà làfàpà möö. »

¹³ Apan, Amfarisi bàtèn a nde naa: « Ngye, ngye awàmutà imbàl angye ñakwo. Imbàl angye kà kyà ndandaa anki. »

¹⁴ Yesu kafuür naa: « Yà ndandaa naa mè, mè in'wàmutà imbàl amè ñakwo. Imbàl amè kyà ndandaa, ntòn mè in'kyà'yòb naa mè an'fà ken anà mè sye in'kyà ken. Wèè bè, bè làyòb anki naa mè an'fà ken anà mè sye in'kyà ken. »

¹⁵ Bè, bè nsan làfàtsul unsà imbuur. Wèè mè, mè in'fàtsüül anki mbuur nsan.

¹⁶ Mpalabà, isakal naa mè in'kyer atsul nsan, ntsüül a nsan amè yà balàbal, ntòn mè kà in'wà

anàyen anki, wɛɛ mɛ in'wà anà Taa, mbuur awà kan'tòm.

¹⁷ Bàsòn unsà Un'kɔɔn abɛ ɲakwo naa bàfàtɔn anki imbal a baar bɔɔl.

¹⁸ Mɛ, mɛ in'fàtá imbal amɛ ɲakwo, Taa awà kan'tòm afan'tɛɛl sye imbal. »

¹⁹ Apan ba bàtɛɛnà a nde naa: « Wàken Taaràɲà wa? » Yesu naa: « Bɛ, bɛ mɛ lan'yòb anki, itàkal Taaràmɛ, bɛ lun'yòb anki. Ilàkal naa bɛ lan'yòb, bɛ sye Taaràmɛ làkyer alun'yòb. »

²⁰ Ndaa ayi, Yesu ya kàtɛɛnà umpal kàlɔɔɲà nde u ndwà a Nzam, kà ikal a insak a an'kab. Akà mbuur mwey kàkwe anki mukun'kɔɔ, ntɔn taan ande làkal anàkwo anki.

» *« Bɛ, bɛ làkwe anki mukyà mper ayà in'kyà mɛ »*

²¹ Yesu kàfàtɛn a ba naa: « Mɛ, mɛ in'kyer ayàkyà, bɛ làkyer ayan'len, wɛ bɛ, bɛ làsàkwà unsà ube abɛ. Bɛ làkwe anki mukyà mper in'kyà mɛ. »

²² Apan amfum a Ayudà bàtɛɛnà naa: « Nkye nde we anà an'kyàn mudwa nde ɲakwo, ntɔn nde wàmuten naa: "Bɛ làkwe anki mukyà mper in'kyà mɛ"? »

²³ Yesu kafuur naa: « Bɛ, bɛ làbà baar a indiir a mɛɛn mà. Wɛɛ mɛ, mɛ in'wà mbuur a indiir a dudu. Bɛ, bɛ làbà baar a mɛɛn mà, wɛɛ mɛ, mɛ kà in'wà mbuur a mɛɛn mà anki.

²⁴ Undiir awun in'ten mɛ a bɛ naa bɛ làsàkwà unsà man'be abɛ. Abun, isakal naa bɛ làkyey anki naa "Mɛ In'wà", bɛ làsàkwà unsà man'be abɛ. » –

²⁵ Ba bun'fuul naa: « Ngye, ngye awà nà? »
 Yesu kafuur naa: « Mbuur akwà kàlakyään mē fà nsemà.

²⁶ Mē, mē in'we anà indiiir mbōon muten anà mutsul nsaŋ ntōn bē. Wē mē in'fàkyään u mēen nà ya akwà kàwem mē akà mbuur kan'tōm, nde afàten ndandaa. »

²⁷ Wē ba báyòbà anki naa nde ba kasaamà ntōn Taa.

²⁸ Apan, Yesu kàten naa: « Utaaŋ lāsàseen bē Mwan a mbuur, bē laa lāsàyòb bē naa "Mē In'wà", anà mē in'fàkyer anki undiir kà ukwen amē ŋakwo: mē in'fàten ya akwà kan'lōŋ Taa.

²⁹ Mbuur kan'tōm wà anà mē: nde kan'wēy anki aŋàyen, ntōn mē, taanŋ lanswà mē in'fàkyer indiiir ufàkwen nde. »

³⁰ Umpal kàkàl nde mutēenà abà, baar mbōon bàsi làkwikilà amu nde.

Baar a nsaay anà aso

³¹ Abun Yesu kàten a Ayudà abà bàsi làkwikilà amu nde naa: « Isàkal naa bē, bē lan'lam u ndaa amē, ndandaa bē làbà alōŋki amē.

³² Abun, bē lāsàyòb ndandaa, waa ndandaa isàlabuul baar a nsaay. »

³³ Ba bun'fuur naa: « Bi, bi ibà itoo a Abàlam, bi kàsàkal anki aso a mbuur mwēy akà ikikye. Aben ngye, ngye atēenà naa: "Bē lāsàbulà baar a nsaay"? »

³⁴ Yesu kafuur naa: « Ndandaa, ndandaa mē alàkyään: mbuur wanswà afàkyer man'be, nde wà un'so a man'be.

35 Un'so ufàbwaay anki ipepey u ndwà, wée mwan afàbwaay ipepey kwo.

36 Abun, isàkal naa Mwan kàmàlakoor, be làsàkal baar a nsaay bàndandaa.

37 Me in'kyàyòb naa be làbà itoo a Abàlam, wée be làfàlèn mukan'dwa, ntòn ndaa amé ifàlatwà anki u mpem.

38 Mè, mè in'fàtèn indiir kàmèn mè akà Taa. Wée be, be làfàkyer indiir làwem be akà taaràbè. »

39 Ba bun'fuur naa: « Abàlam wà taaràbi. » Yesu naa: « Kya be làlàkal baan a Abalam, be làlikyerà isal a Abàlam.

40 Wée apanà, be, be làlènà mukan'dwa, mè mbuur kalakyaän ndandaa ayà kàwem mè akà Nzam. Abàlam kàkyer anki abà!

41 Wée be, be làfàkyer isal a taaràbè. » Ba bun'fuur naa: « Bi kà ibà baan a inswem anki. Bi ibye awa Taa mwey mpel, Nzam. »

42 Yesu kafuur naa: « Yalàkal naa Nzam wà Taaràbè, be làlakyèr an'kwen. Ntòn mè, mè an'too amu Nzam anà mè sye an'fà kwo. Mè, mè kàyi anki a ukwen amé ñakwo, wée Nde kan'tòm.

43 Ntòn nkye mpa làkayòbà be ntèen amé? Ntòn be, be làkwe anki muwem ndaa amé.

44 Bè, taaràbè ilèn, be làfàkwen mukyer ngyal a taaràbè. Nde wun'dwää fà nsèmà, nde kàsàtsim anki uboo a ndandaa, ntòn ndandaa amu nde yatey. Umpal ufàtà nde loor, nde la afàwal uboo a indiir ande ñakwo, ntòn nde wà ñaloor anà taar a loor.

45 Wée, mè in'fàtèn ndandaa, undiir awun mpa

làfan'sà be làkwikilà.

⁴⁶ Na uboo abe kan'kwo mukan'swan naa me an'kyer man'be? Nton nkye lan'koon be mukan'sà làkwikilà isàkal naa me an'ten ndandaa?

⁴⁷ Mbuur awa mbuur a Nzam, afawem ndaa a Nzam. Wee be, be lafawem anki, nton be kalàbà baar a Nzam anki. »

Yesu anà Abàlam

⁴⁸ Ayudà bun'fuur naa: « Nkye bi iboñ kyatey muten naa ngye awà un'nsi Samalya, anà ngye sye awe anà unsɔnà? » –

⁴⁹ Yesu kafuur naa: « Me, me unsɔnà wathey. Wee me, me in'wamusyañà Taaràmɛ. Wee be, be làkun'syañà anki.

⁵⁰ Me, me in'fàlɛn anki làkoo amɛ ñakwo. We anà mbuur afàpà la anà afàtsul mbar.

⁵¹ Ndandaa, ndandaa, me alákyään: isàkal naa mbuur kan'kaar ndaa amɛ, nde usàkwà anki akà ikikye. »

⁵² Apan, Ayudà nsil abà baten a nde naa: « Apanà, bi kan'yòb naa ngye awe anà unsɔnà! Abàlam kàkyàkwà anà anangoom sye, we ngye aten naa: "Isàkal naa mbuur an'kaar ndaa amɛ, nde usàkwà anki akà ikikye."

⁵³ Nkye ngye, ngye an'soñ taaràbi Abàlam awà kàku itaan? Anangoom sye bàkyàkwà! Ngye, ngye akasii naa ngye awà nà? »

⁵⁴ Yesu kafuur naa: « Isàkal naa me, me in'fàsà làkoo akà me ñakwo, la ndoñ latey. Me, me in'fàsà

lākoo a Taaràmɛ, nde akwà lāfàtɛn bɛ naa: "Nde wà Nzam abi".

⁵⁵ Bɛ nde lun'yòb anki, wɛɛ akà mɛ, mɛ in'kyun'yòb. Kya mɛ in'sàtɛn naa mɛ un'yòb anki, mɛ in'sàkal mbuur a loor asànaa bɛ. Mɛ in'kyun'yòb anà mɛ sye in'fàkaar ndaa ande.

⁵⁶ Taaràbɛ Abàlam kàkàl kà un'sak unsà an'kyàn muman ilà'amɛ: nde kàkyaman kya, waa kàkù unsà un'sak. »

⁵⁷ Ayuda waa baten a nde naa: « Nkye ngye akà mbul an'kwem an'tyeen awe ayà, waa ngye kàmen Abàlam! »

⁵⁸ Yesu naa: « Ndandaa, ndandaa, mɛ alàkyään: kusà a mböör a Abàlam, "Mɛ In'wà". »

⁵⁹ Apan, ba b 1 bür in'kul ntɔn mukun'kam. Wɛɛ Yesu laa kàkàyee nde, waa kàtoo u ndwà a Nzam.

9

Yesu kan'kɔɔr ikwàmii fà mböör ande

¹ U mbwo, Yesu kàmen baal mwey wànjàkwàmii fà mböör ande.

² Alɔŋki ande bun'fuul naa: « Rabi, nà kàkyer man'be ntɔn nde bun'bör wànjàkwàmii, nkye nde lɛɛ aböör ande? »

³ Yesu kafuur naa: « Kà nde anki, itàkal aböör ande, wɛɛ ntɔn isal a Nzam imenà amu nde.

⁴ Ibà bi pà u mwäähà, bi ikyer isal a mbuur kan'tòm. Lápib lāmubwà, taan mpa usal mbuur.

⁵ Umpal in'wà mɛ pà u mɛɛn, mɛ in'wà pɛlà a mɛɛn. »

⁶ Ungo muten indiir abi, nde kàtsul an'te u mɛɛn, kàkyer twar, waa kàkiir la u mii a ikwàmii,

⁷ waa kàtèn a nde naa: « Kyen, kayweb kà itey a Silowe. » Ikòb aki ikaswanà naa « Ntòòm ». Ikwàmii kàkyen kwo, kàywey ntabwey, waa kàyimanà mpal kàyàfurà nde.

⁸ Baar a tsutsu' anà nde anà baar bàfun'manà kusa wàmulólòm, bafuula naa: « Nkye wa kà mbuur akwà kàkalà wà anàbwaay anà kàfalólòmà anki? »

⁹ Amwey bàtèenà naa: « Awà nde. » Bumwey naa: « Awà kà nde anki, mbuur asin kàmufwàn. » Wée ikwàmii kàkyey naa: « Ndandaa, wà mē. »

¹⁰ Abun, ba bun'fuulà naa: « Mii angye myan'dubà aben? »

¹¹ Nde kàfuur naa: « Mbuur awà bàfàbel Yèsu kàkyer twar, kan'kiir la u mii, waa kàtèn a mē naa: "Kyen Silowe, kayweb". Apan sye in'kyen mē, in'yweb mē, waa in'bulà muman! »

¹² Ba bun'fuul naa: « Nde wàken, mbuur wa? » Nde kàfuur naa: « Mē in'yòb anki. »

Amfarisi ban'fuul ikwamii awà kàkòrà

¹³ Apan, ba bàtwaäl mbuur kàkal ikwàmii akà Amfarisi.

¹⁴ Kyekà, ilà'akin kyàkal ilà'a saba akyà kàkyer Yèsu twar, anà kun'duub nde mii.

¹⁵ Apan sye, Amfarisi bun'fuul sye naa mii angye myàdubà aben. Nde kàfuur naa: « Nde kan'kiir twar u mii, in'yweb mē, waa mē an'man. »

¹⁶ Apan, uboo a Amfarisi amwey bàtèenà naa: « Mbuur awà kà kan'fà akà Nzam anki, ntòn nde saba ufàkyeel anki. » Wée bumwey bàtèenà naa:

« Nkye mbuur a man'be kan'kwo ukal anà iköb akyer idiim a tub abi? » Nkaabà yàkyer abilà uboo a ba.

¹⁷ Apan, ba bàfàfuul ikwamii naa: « Waa ngye, ngye an'ten aben ntön mbuur kaduub mii? » Nde kafuur naa: « Nde wà ngangom. »

¹⁸ Wεε amfum a Ayudà bàkyer atön musà làkwilà naa nde kàkal ikwàmii, waa nde kàbulà muman. Undiir awun, bàbel ba aböör ande

¹⁹ ntön mukafuul naa: « Nkye wà mwan abe akwà làwe be naa nde bun'bör wàṇàkwàmii? Abun, nde kan'man aben apanà? »

²⁰ Aböör ande bàfuur naa: « Bi, bi ikyàyöb ndandaa naa wà mwan baal abi, nde sye bun'bör wàṇàkwàmii.

²¹ Apanà nde kan'man aben, bi iyöb anki. Nà kun'duub mii? Bi iyöb anki. Lun'fuul, nde wàṇàyel, nde kan'kwo musam ntön nde ṇakwo! »

²² Aböör ande bàteenà ba abà, ntön ba bàtiinà Ayudà bōmà. Ntön amfum a Ayudà bàdirà kusà muböṇ u ndwà a nköṇ a Ayudà mbuur wanswà asàkyey naa Yesu wà Klisto.

²³ Undiir awun aböör ande bāten ba naa: « Nde wàṇàyel, lun'fuul! »

²⁴ Amfarisi bàbel mbuur akwà kàkal aṇàkwàmii mbalà yayweel, waa bāten a nde naa: « Pà làkoo akà Nzam! Bi, bi ikyàyöb naa baal wà wà mbuur a man'be. »

²⁵ Nde kafuur naa: « Isàkal naa nde wà mbuur a man'be, mē in'yöb anki. Mē in'yöb undiir mwēy

mpel awà: mɛ kàkal ikwàmii, apanà mɛ an'man.

»
²⁶ Ba waa bun'fuul naa: « Ininà nde kakyer? Nde ngye mii kaduub aben? »

²⁷ Nde kafuur naa: « Mɛ ya akyàlakyaän itaan, wɛɛ bɛ, bɛ làwem anki. Ntɔn nkye làkwen bɛ mufàwem mbalà asin? Nkye bɛ sye, bɛ làkwen mubulà alɔŋki ande? »

²⁸ Apan, ba waa bàsemà mukun'to, muten naa: « Ngye mbuur awà un'lonki ande! Bi, bi ibà alɔŋki a Mɔsɛ.

²⁹ Bi, bi ikyayòb naa Nzam kàyaäm a Mɔsɛ, wɛɛ mbuur wà, bi iyòb anki naa nde an'fà ken! »

³⁰ Baal kafuur naa: « Le, ayi ndaa yubem: bɛ làyòb anki naa nde kan'fà ken, apan sye nde kàman'duub mii!

³¹ Bi ikyayòb naa Nzam ufàwem anki baar a man'be. Wɛɛ isàkal naa mbuur afàkòmə Nzam anà afakyer ukwen ande, Nzam afakyer un'wem.

³² Baar nàtàwem anki akà ikikye muten naa mbuur mwey waa kàkɔɔr ikwàmii fà mböör ande.

³³ Ilàkal naa mbuur awà kàfù anki akà Nzam, nde kàlàkwo anki mukyer akà undiir. »

³⁴ Ba bun'fuur naa: « Ngye wanswà awà uboo a man'be fà mböör angye, waa ngye ilɔŋ! » Apan ba waa bun'tɔɔm u nsà.

Ikwàmii a dweelà

³⁵ Yesu kàwem naa ba nde bàkyer un'boŋ. Mpàl kàbwey nde anà nde, nde kun'fuul naa: « Nkye ngye, ngye an'sà làkwikilà amu mwan a mbuur? » —

³⁶ Nde kun'fuur naa: « Mwol, nde wà nà, waa me in'sà làkwikilà amu nde? »

³⁷ Yesu waa kàtèn a nde naa: « Ngye amun'man, wa ateenà awà apanà anà ngye, nde awà. »

³⁸ Baal waa kàtèn naa: « Mwol, mɛ, mɛ an'sà làkwikilà. » Apan, nde kàbù an'kò m kusà a Yesu.

³⁹ Waa Yesu kàtèn naa: « Mɛ, mɛ kàyi u mɛen pà ntòn ntsuul a nsan mwey ikal: ntòn ikwàmii bàmen, baar bàfàman bàbulà ikwàmii. »

⁴⁰ Amfarisi bàkàl tsutsu apà nde, bàwem ba indiir abi, waa bun'fuul naa: « Nkye bi sye, bi ibà ikwàmii? »

⁴¹ Yesu kafuur naa: « Yalàkal naa bɛ làbà ikwàmii, bɛ lalàkal anki baar a man'be. Wɛɛ ntòn bɛ lātèn naa: "Bi ifàman", abun, man'be abɛ mà kapaa. »

10

Nsim a un'kyeɛɛn anà in'kòk

¹ Yesu kàtèn naa: « Ndandaa, ndandaa, mɛ alàkyàän: isàkal naa mbuur ubilà anki u munàmbwo a làbòl a in'kòk, wɛɛ naa nde kan'lar udu a ibà a làbòl, u ntsu'yumwey, nde wà mbuüb anà un'dwää. »

² Wɛɛ mbuur afàbilà u munàmbwo, nde wun'kyeɛɛn a in'kòk.

³ Un'leer kun'duub munàmbwo, in'kòk myàwem ndaa ande. Nde afàbel in'kòk ande umwey umwey kà ikòb awa, waa utwey mya u nsà.

⁴ Utaanj utwey nde mya myanswà, uyikyà nde kusà a mya, mya myun'lab ungo, nton mya myàkyàyob ndaa ande.

⁵ Ikwe anki akà ikikye naa mya myàsàlab ungyey, mya ikyer asun'tiin, nton mya myàyob anki ndaa a angyey. »

⁶ Yesu kateel nsim ayi, wée ba bàyob anki naa indiir nà nde kàteenà.

Yesu, un'kyeen a in'kok anàbwanj

⁷ Yesu kàfàten naa: « Ndandaa, ndandaa me alàkyään, me in'wà munàmbwo a làbol a in'kok.

⁸ Baar banswà bàfwel kusà a me bà mbuüb anà adwää, wée in'kok myawem anki.

⁹ Me, me in'wà munàmbwo. Isàkal naa mbuur kan'bilà u mbwo amé, nde asàwà mōō, nde akyer asàbilà, akyer asàtoo, nde asàman byàdyà.

¹⁰ Mbuüb afàyà nà muyib, mudwa anà mupay. Wée me, me kàyi nton baar bàwel mōō anà bàwel wa mbōon.

¹¹ Me, me in'wà un'kyeen anàbwanj. Un'kyeen anàbwanj afàpà mōō ande nton in'kok ande.

¹² Mbuur afàsal nton ngim mpel, nde kà wà un'kyeen a ndandaa anki, in'kok kà myànde anki. Kya nde usàman kyenbol làmuyà, nde la usàkōob nde in'kok, waa uwura ntiin. Apan, kyenbol la làsàburà la mya, waa làsàtā làbol upay.

¹³ Le, nde wà un'syāäl a ngim, nde undiir ukyer anki nton in'kok.

¹⁴ Me, me in'wà un'kyeen anàbwanj. Me in'kyàyob in'kok amé, mya sye myàkyaan'yob,

15 Taaràmɛ akyan'yòb, mɛ sye in'kyun'yòb. Mɛ in'fàpà mǝǝ amɛ ntɔn in'kɔk amɛ.

16 Mɛ, mɛ in'we anà in'kɔk myumwɛy mpa amyà uboo a làbòl alà. Mya sye mɛ in'kyer atwaal. Mya isàwem ndaa amɛ, làbòl lasàkal lāmwey, un'kyeɛn mwey sye.

17 Taa akyan'kwen, ntɔn mɛ in'fàpà mǝǝ amɛ, ungo waa in'fàwal wa.

18 Akà mbuur mwey tɛy afan'duum mǝǝ, wɛɛ mɛ, mɛ wa in'fàpà a ukwen amɛ. Mɛ in'we anà ikǝb apà wa, anà ikǝb afàwal wa. Ayi nswɛɛn kan'pɛ Taaràmɛ. »

19 U ndaa ayi, nkaabà yàkyer abilà uboo a amfum a Ayudà.

20 Bàmboon uboo a ba bàtɛɛnà naa: « Nde we ana unsɔnà! Nde wa njukɔn! Ntɔn nkye lun'weemà bɛ? »

21 Wɛɛ bumwɛy bàtɛɛnà naa: « Mbuur awe anà unsɔnà ufàten anki abà. Nkye unsɔnà kan'kwo muduub mii a ikwàmii? »

Yesu bàmutɔn

22 La làkàl panà làfakalà mpye mbɔɔn, baar bàkàl mukyɔm mpòon a ndwà a Nzam u Yelusàlɛm.

23 Yesu kàkàl mulàlyaan u ndwà a Nzam, u myäy bàfàbel naa myäy a Salɔmun.

24 Apan, Amfum a Ayudà bàkyer un'dinà, waa bun'fuul naa: « Tii mpal nà asikaar ngye unsà pfürà? Ikyään ubwanàbwan isàkal naa ngye awà Klistɔ. »

25 Yesu kafuur naa: « Mɛ ya akyàlakyàän itaan, wɛɛ bɛ, bɛ lan'si anki làkwikilà. Isal in'fàkyer mɛ kà ikɔb a Taaràmɛ, byàmuta imbal nton mɛ.

26 Wɛɛ bɛ lan'si anki làkwikilà, nton bɛ kalàbà in'kɔk amɛ anki.

27 In'kɔk amɛ myàfàwem ndaa amɛ. Mɛ in'kyayɔb, mya sye myàkyer afan'lab.

28 Mɛ in'fapà mɔɔ a mbul a in'tye, mya myàsàkyà anki bwà akà ikikye, akà mbuur mwɛy ukwe anki mugyɔɔr mya u kɔɔ amɛ.

29 Taaràmɛ, mbuur kan'pɛ mya, kan'söön baar banswà. Akà mbuur mwɛy ukwe anki mugyɔɔr mya u kɔɔ a Taa.

30 Taa anà mɛ, bi ibà mwɛy. »

31 Ayudà bàfàbüà in'kul nton mukun'tà.

32 Apan, Yesu kàten a ba naa: « Mɛ kàlamɛɛy isal a ntwen mbɔɔn byàfù akà Taa. Isal nà uboo a bya làkwen bɛ mukan'tà in'kul? »

33 Ayudà bun'fuur naa: « Kà nton isal a ntwen anki waa bi katà in'kul, wɛɛ nton mbɛɛy: ngye awà mbuur, wɛɛ ngye, ngye awàmukyey naa ngye awà Nzam! »

34 Yesu kafuur naa: « Nkye bàsön anki uboo a un'kɔɔn abɛ naa: "Mɛ, mɛ kàten naa bɛ làbà bānzam."?

35 Bi ikyayɔb naa ikwe anki bàlwom indiir abyà uboo a Ndaa Anàsön. Kyekà, Nzam kàbel nde baar naa bānzam, nton ndaa ande bàtöm akà ba.

36 Bɛ, bɛ làten a baal kàsi Nzam an'kɔɔ anà kàtöm nde u mɛɛn naa: "Ngye awàmubɛy!", nton

an'ten me naa me in'wà Mwan a Nzam!

³⁷ Isakal naa me in'fàkyer anki isal a Taaràmè, twon làman'sà làkwikilà.

³⁸ Wée isakal naa me in'fàkyer bya, itàkal naa be lan'sà anki làkwikilà, làsi làkwikilà unsà isal abi. Nton be làyòb anà làkyey naa Taa wà amu me, me in'wà amu Taa. »

³⁹ Apan, ba bàfàlèn mukun'kòr, wée nde kàkwiya kà an'kòò aba.

⁴⁰ Yesu kàfàfurà sim a Yòrdan lumwèy, kà ikal kàfaduimà Ywan utàtwèb, waa kabwaay kwo.

⁴¹ Baar mbòòn bàyee akà nde, waa bàtèenà naa: « Ywan kàkyer anki akà idiim mwèy, wée ndaa yanswà kàten nde nton mbuur awà yàkal ndandaa. »

⁴² Abun, baar mbòòn bàsi làkwikilà amu nde.

11

Nkweel a Lazar

¹ Kàkal anà ñukyal mwèy ikòb ande Lazar, un'si Bètanya, bul a Màlatà anà mpääñ ande Màlye.

² - Wawà Màlye akwà kàtsuül Mwol may a uson anà kun'kòòm in'kòl a ntswe ande. Baal ande Lazar kakal ana ukyal. -

³ Abun, ampääñ abà bàbòöl bàtòm mbuur mwèy mukàkyään Yesu naa: « Mwol, mbuur akwà afàkwen ngye we anà ukyal. »

⁴ Umpal kàwem Yesu làsan alà, nde kàten naa: « Abà kà ukyal akun'syen kà ukwà anki, wée ba bà nton mupà làkoo akà Nzam: u mbwo a ba, Mwan a Nzam ayàwal làkoo. »

⁵ Kyekà, Yesu kàfakwenà Màlatà, anà mpääh ande, anà Lazar.

⁶ Umpal kàwem nde naa Lazar we anà ukyal, nde kàfàkyer ilä'byeel kà ikal kàkal nde.

⁷ Ungo' apan nde kàten a alonki naa: « Tsweenà ifurà Yuday. »

⁸ Alonki bun'fuur naa: « Un'lon, itaan a mböön tɛy, amfum a Ayudà balenà mukatà in'kul, waa ngye akwen mufàfurà kwo? »

⁹ Yesu kàfuur naa: « Nkye an'taan kwem anjiweel matey u mwäähà? Isàkal naa mbuur wàmuyikyà u mwäähà, nde ubol anki kyà, ntòn lye anà pɛlà. »

¹⁰ Wɛɛ isàkal naa mbuur wàmuyikyà u lapib, nde atebà kyà, ntòn pɛlà latey. »

¹¹ Ungo' kàten nde ndaa ayi, nde kàkwɛy naa: « Un'sam abi Lazar kàn'böön, wɛɛ mɛ in'kyer akyà mukun'wiyy. »

¹² Apan, alonki bàten a nde naa: « Mwol, isàkal naa nde wànàböön, nde akyer ayàwà mɔɔ. »

¹³ Kuten anàbwan, Yesu kàsam ukwà a Lazar, wɛɛ ba bàsii naa tɔaal a tɔaal.

¹⁴ Apan, Yesu kàten a ba ubwanàbwan naa: « Lazar kan'kwà. »

¹⁵ Mɛ in'wa unsà un'sak ntòn bɛ in'köön akal mɛ kwo, ntòn bɛ lan'si lakwikilä. Wɛɛ tsweena aka nde. »

¹⁶ Apan, Tuma awà bàfàbel naa Didimɔ, kàten a alonki bumwɛy naa: « Tsweenà, kya ikal naa ukwà, bi sye ikàkwà mbwo mwɛy anà nde! »

Yesu wà ngwiiy anà mǝǝ

¹⁷ Mpal kàyàkǝlà Yesu, nde kàwem naa Lazar kàkyàkyer ilà inà kà an'dii.

¹⁸ Kyekà, Betanya lākāl tsǝtsǝ a Yelusàlem, kà isii a an'kilǝmǝtre an'tār.

¹⁹ Ayuda bayi mbǝǝn muyàlǝl Mǝlye anà Mǝlatà ntǝn nkweel a baal aba Lazar.

²⁰ Umpal kàwem Mǝlatà naa Yesu wàmuyà, nde kàkàbwey anà nde, wǝ Mǝlye kàsàsal u ndwà wǝnǝbwaay.

²¹ Mǝlatà kǝten a Yesu naa: « Mwol, ilākāl naa ngye akal apà, baal amǝ kalākwa anki!

²² Wǝ mǝ, mǝ in'kyàyǝb, itākāl apanà, naa undiir wanswà ayàlǝm ngye akà Nzam, Nzam akyer ayapà. »

²³ Yesu kǝten a nde naa: « Baal angye akyer ayàwiya. »

²⁴ Mǝlatà kǝfuur naa: « Mǝ in'kyàyǝb naa nde asàkyer awiya mbwo mwǝy a akǝ, kà ilà a ntsǝǝ. »

²⁵ Yesu kǝten a nde naa: « Mǝ, mǝ in'wà ngwiiyà anà mǝǝ. Mbuur wanswà an'sà lǝkwikilà amu mǝ asakal anà mǝǝ, itākāl naa nde kan'kwa.

²⁶ Mbuur wanswà awe anà mǝǝ anà an'sà lǝkwikilà amu mǝ, nde usakwa anki aka ikikye. Nkye ngye an'sà lǝkwikilà? » -

²⁷ Nde kǝfuur naa: « Inye, Mwol, mǝ an'sà lǝkwikilà naa ngye awà Klistǝ, Mwan a Nzam awasàya pà u mǝen. »

Yesu anà ampǝǝn a Lazar

²⁸ Apan, Mələtə kəkəbel mpääh ande Məlye, waa kun'kyään unsinsi naa: « Un'loŋ kan'ya, nde sye wamukabeelä. »

²⁹ Pa kəwem Məlye abä, laa kəambarä nde, kəkyen u ntiin akä Yesu.

³⁰ Kyekä, Yesu kəkäl anki anätäbilä uboo a bul, wəə nde kətäfəkäl kə ikäl kəkun'taan Mələtə.

³¹ Ayudä bəkäl ana Məlye u ndwa nton mukun'leel, mpal bun'men ba kan'barä anä kan'too u ntiin, laa bun'lab ba. Nton ba bäsii naa nde wamukya an'dii mukälel.

³² Umpal kəkölä Məlye kə ikäl kəkäl Yesu, pa kun'men nde, nde kabu'kə in'kol ande, waa käten a nde naa: « Mwol, iləkäl naa ngye akäl apä, baal amə kaləkwa anki. »

³³ Utaanj kəmen Yesu Mələtə anä Ayudä bəkäl anä nde bəmulel, mpem ande yäkyer atəer, lingyoomä läkyer un'wal.

³⁴ Nde waa kafuul naa: « Wa be lun'tööl ken? » Ba bun'fuur naa: « Mwol, yamen. »

³⁵ Yesu waa kälēl.

³⁶ Abun, Ayudä bätəenä naa: « Lälər naa nde kəfun'kwenä aben! »

³⁷ Wəə amwəy uboo a ba bäten naa: « Nde mbuur kəköör ikwämii, nkye nde kaläkyer anki sye naa Lazar uköön akwä? »

Lazar kan'furä u möö

³⁸ Apan, Yesu kəfätəer u mpem ande, waa kəkyen an'dii, ma məkal möö anädubä a nkŋ.

³⁹ Apan, Yesu kàtèn naa: « Làlwom nkɔŋ yi. » Málàtá, mpääŋ a un'kü, kàtèn a nde naa: « Mwol, apanà nde ayàkal anàfuurà nsoŋ, ntɔn nàbà ilá inà awà nde apà. »

⁴⁰ Wɛɛ Yesu kun'fuur naa: « Nkye mɛ in'tɛn anki a ngye naa isàkal naa ngye awe anà làkwikilà, ngye ayàman làkoo a Nzam? »

⁴¹ Abun, ba waa bàlwom nkɔŋ. Apan, Yesu kàlɛr u du, waa kàtèn naa: « Taa, mɛ amafuur an'tɔɔn ntɔn aman'wem ngye.

⁴² Ndandaa, mɛ in'kyàyòb naa ngye afàkyer an'wem taan lanswà. Wɛɛ an'tɛn mɛ abà, ntɔn baar bàman'dinà bà bàyòb naa ngye kan'tòm. »

⁴³ Ungò mutɛn abà, nde kàbɛl u ndaa a ngwal naa: « Lazar, yatoo! »

⁴⁴ Un'kü sye waa kàyátoò, in'kol anà an'kɔɔ myànàlálal a ikaam a ipfɛy anà ntabwey yànàfwe a ipfɛy. Yesu kàtèn a baar naa: « Lun'tsuun, lun'wey ukyen. »

Ndiirà ntɔn Yesu

(Màt 26.1-5; Mlk 14.1-2; Luk 22.1-2)

⁴⁵ Apan, bàmbɔɔn uboo a Ayudà bàyi akà Màyɛ anà bàmen indiir kàkyer Yesu, ba bun'si làkwikilà.

⁴⁶ Wɛɛ bumwey bàkàman Amfarisi, waa bakyään indiir kàkyer Yesu.

⁴⁷ Apan, amfum a angan anà Amfarisi bàkòŋà làbay a nsan a kolàkol, waa bàtɛn naa: « Ininà bi kan'kwo mukyer? Ntɔn baal wà wàmukyer idiim mbɔɔn!

⁴⁸ Isàkal naa bi kàmuwëy musin akyer abà, baar banswà bàyun'sà làkwilà. Apan, Bàlómà bàyàyà mupay ndwà a Nzam abi anà nsi abi! »

⁴⁹ Umwëy uboo aba, ikòb ande Kayifa, kàkàl undweer a angan u mbul awun, nde kàtën a ba naa: « Bë, bë akà undiir mwëy làkayobà anki!

⁵⁰ Nkye bë làmanà anki naa yubwan naa mbuur mwëy uku'ntòn un'sen, waa nsi yanswà mpa ikya bwà? »

⁵¹ Kyekà, nde kàtëenà anki abà unsà ukwen ande ñakwo, wëe ntòn kàkàl nde undweer a ngan u mbul awun, nde kàtëe ngòom naa Yesu akyer asàkwà ntòn un'sen ande,

⁵² kànà ntòn un'sen mpel anki, wëe sye ntòn mutuüb baan a Nzam abà bàtë upay.

⁵³ Fà ilà'akin, amfum a Ayudà bàtsul mbar naa bàdwa Yesu.

⁵⁴ Undiir awun, Yesu mpa kàfàfilyaanà nde kà imëy u mii a amfum a Ayudà: nde kàkyen u mpey, kà itiir a nsi mwëy tsùtsu' a nsye a ipòl, u bul mwëy ikòb a la Èfalayimi, waa kàbwaay kwo anà alonki ande.

⁵⁵ Un'kyòm a Pak a Ayudà kàkàl tsùtsu'. Baar mbòon bàfwee kà itiir a nsi aki bàbeenà Yelusàlem kusa a un'kyòm mukwo, ntòn mukàpòh ndür.

⁵⁶ Ba bàkàl mulenà Yesu, wëe umpal bàkàl ba u Ndwà a Nzam, ba bàtëenà ba a ba naa: « Bë làsii aben? Nkye nde uya anki un'kyòm? »

⁵⁷ Kyekà, andweer a angan anà Amfarisi bàpẹ nswẹẹn naa: isàkal naa mbuur kan'yob ikal awà nde, nde kakyaän ntòn ba bun'kòr.

12

Màlye kan'kiir in'kòl a Yesu may a uson
(*Màt 26.6-13; Mlk 14.3-9*)

¹ Ilà isyaam kusà a Pak mukwo, Yesu kàkyen Bètanya, kà ikal kàfakalà Lazar akwà kàwiiy nde uboo a aku.

² Akun, Málata kun'pẹ isaa bun'lääm ba. Lazar kàkal umwey uboo a baar bàkal mbwo mwey anà Yesu mudyà u mesà.

³ Màlye kàwèl boboo a litre mwey là may a uson màndandaa, màntal a mboon, nde kàsir ma kà in'kòl a Yesu. Ungò waa kàkoomà ma a ntswe ande. Apan, ndwà yanswà yàtiimà a uson a may.

⁴ Ungò apan, Yudasì Isikalyot - umwey uboo a alonki ande, nde mbuur awayun'yalà, - kàten naa:

⁵ « Ntòn nkye mpa bàyalà ba may a uson amà unsà nkam tär yà iter a ngim, waa bàlàpà ya akà anàlambwà? »

⁶ Kàtèenà nde abà, kà ntòn nde kàkal anà ngyeb a anàlambwà anki, wée ntòn nde kàkal mbuüb: nde kàfakaarà bõön a ngim, waa kàfalwabà ngim bàsyee uboo mwo.

⁷ Apan, Yesu kàten naa: « Un'si a duu! Kan'kyer nde abà, nde kan'tsweel kusà ntòn ilà bàsan'dye.

⁸ Bè làwe anà anàlambwà ilà byanswà, wée mē, bē làbye anki anà mē ilà byanswà. »

Ndiirà ntòn Lazar

⁹ Apan, un'seŋ a Ayudà mbɔɔn kàwem wa naa Yesu kàkàl u Betanya, wa kàkyeenà kwo, kà nà ntòn Yesu mpel anki, wɛɛ sye ntòn mukàman Lazar akwà kàwiiy nde uboo a aku.

¹⁰ Apan, andweer a angan bàdirà mudwa Lazar sye,

¹¹ ntòn Ayudà mbɔɔn bàtiinà Ikööh aba, waa bàsyee làkwikilà akà Yesu isin nà Lazar.

Yesu kan'bilà u Yelusàlem

(Mat 21.1-11; Mlk 11.1-11; Luk 19.28-40)

¹² U taantye, iköŋ a baar mbɔɔn akwà bàyi un'kyòm a Pak, kyàwem naa Yesu wàmuyàbeenà Yelusàlem.

¹³ Ba bawel an'laan a an'bà, bàkyen mukàbwey anà nde, bàmuyisà in'kwɛŋ naa: « Ɔsana! Wey ukal anàsaak mbuur awà ayà kà ikɔb a Mwol, Mfum a Isàlèl. »

¹⁴ Yesu kàmen mwan a anɛ, waa kàbwaay udu a wa, asànaa ikyàänà Ndaa Anàsɔn naa:

¹⁵ « Bul a Siyɔn, twon an'man bɔɔmà!

Le, Mfum angye wàmuyà,
akyàbwaay udu a mwan a anɛ. »

¹⁶ U nsemà, alonki ande bàkayòbà anki indiir abi. Wɛɛ umpal kàwɛl Yesu làkoo, apan ba bàyòbà naa indiir abi bàsɔn ntòn nde anà ba bya sye bàkyer ntòn nde.

¹⁷ Baar banswà bàkal anà Yesu mpal kàbel nde Lazar muyátoo kà an'dii anà kun'wiiy nde uboo a aku, bun'teɛlà imbal.

¹⁸ Kyakin, iköŋ a baar kyàkàbwey kya anà nde, nton kya kyàwem naa nde kàkyer impà akin.

¹⁹ Apan, Amfarisi bàten ba a ba naa: « Be lan'man naa be akà undiir làyàwal anki: le, baar banswà bàmun'lab! »

Angèleki amwey bàmulen Yesu

²⁰ Yàmèná naa uboo a baar bàbeenà Yelusàlem mukòma umpal a un'kyòm, bàkal ana Angèleki amwey.

²¹ Ba bàsin apà Filipino, un'nsi Betesayidà a Ngalile, waa bun'lööm naa: « Un'loŋ, bi ikwen muman Yesu. »

²² Filipino kakasam Andre, ungo; ba babööl waa bàkasam Yesu.

²³ Yesu kafuur naa: « Mpalabà taan lan'kwo alá uwal Mwan a mbuur làkoo.

²⁴ Ndandaa, ndandaa, me alákyään, isàkal naa imben a ble kyan'bwà u meen iku' anki, kya ikal kya mpel anàyen. Wée, isàkal naa kya kyan'kwà, kya ibor mben mböön.

²⁵ Mbuur akwen möö ande anàsöön Nzam, wa akyà bwà, wée mbuur asàkòob möö ande u meen pà, nde asàkaar wa mbul a in'tye.

²⁶ Isàkal naa mbuur kan'kwen mukan'syàäl, wey nde kan'lab. Ikal in'wà me, un'syàäl amé asàkal kwo sye. Isàkal naa mbuur kàman'syàäl, Taa asun'pà làkoo.

Yesu kan'sam nkweel ande

²⁷ « Papanà mpem amé yan'too! Waa ininà me in'ten? Taa, ntsü möö utaan alá? Wée kiin amé, me kàyi nton taan a mpay a tub alá!

²⁸ Taa, pà ikɔb angye lākoo! » Apan, ndaa yàfù du, yàtèn naa: « Mɛ kàkyàpà kya lākoo, mɛ in'kyer ayàfàpà kya lākoo. »

²⁹ Ikoŋ a baar kyàkāl pa anà kyàwem ndaa, kyàtɛɛnà naa: « Ipar kyan'bwa! » Bumwey naa: « Un'kyeey mwey kàmusam! »

³⁰ Yesu kakyään naa: « Ndaa ayi kà ban'tɛn a mɛ anki, wɛɛ ban'tɛn a bɛ.

³¹ Papanà là taan mutsul nsan a mɛɛn mà, papanà mfum a mɛɛn mà bàyun'tɔɔm u nsà.

³² Wɛɛ akà mɛ, mpal bàsan'sɛɛn u mɛɛn pà, mɛ in'sànaaŋ baar banswà akà mɛ. »

³³ Kàtɛɛnà nde aba, nde kaswɛŋà naa nkweel ande isàkal aben.

³⁴ Ikoŋ a baar kyun'fuur naa: « Bi, bi kàlɔŋàkà unsà Un'kɔɔn naa Klistɔ asàkal anà mɔɔ ipepey. Aben ngye an'kwo mutɛn naa Mwan a mbuur bàkyer asun'sɛɛn? Nà Mwan a mbuur awà? »

³⁵ Yesu kàtɛn a ba naa: « Pɛɛlà làfàkal anki anà taan mbɔɔn uboo a bɛ. Lalyaan umpal làba bɛ anà pɛɛlà, ntɔn mpib ikɔɔn alabweel. Ntɔn mbuur afilyaan u mpib, nde uyɔb anki naa nde akyà ken.

³⁶ Kyakin, mpal làbà bɛ anà pɛɛlà, làsi làkwikilà amu pɛɛlà, ntɔn bɛ làbulà baan a pɛɛlà. »

Ayudà ban'tɔn musà làkwikilà amu Yesu

Ungɔ kàsam nde ba abà, Yesu kàlwomà paa, waa kàkàyeey ukwel apà ba.

³⁷ Itàkal naa nde kàkyerà idiim mbɔɔn u mii a ba, ba bàsun'sà anki làkwikilà.

³⁸ Abun yàkwe ndaa kàtɛn ŋangɔɔm Yesay:

« Mwol, nà kàsi làkwikilà akà an'loṛṛn abi?

Mwol ngwal ande kàsweṛṇ akà nà? »

³⁹ Yesay awà kàsweṛṇ sye isin a ndaa mpa bàkwe ba musà làkwikilà:

⁴⁰ « Nzam kàdwa' mii aba, nde kàbuul mpem aba bwoor, ntṛn mii aba ikṛṛn ataäl, naa mpem aba ikṛṛn ayob, ntṛn ba bàkṛṛn asàfyefurà akà mē ntṛn mē akṛṛ. »

⁴¹ Yesay katen nde indiir abi, ntṛn kàmen nde làkoo a Yesu, waa kàsam ntṛn nde.

⁴² Apanà sye, bàmbṛṛn uboo a amfum a Ayudà ṇakwo bàsi làkwikilà amu nde. Wē, ntṛn Amfarisi, ba bàkyey anki u mii a baar manà bàyatwey u ndwà a nkṛṛṇ a Ayudà.

⁴³ Ntṛn ba bàkwen làkoo lan'fà akà baar, akwànaa lan'fà akà Nzam.

Nsaṇ ntṛn ndaa a Yesu

⁴⁴ Yesu kàsi un'kweṇ: « Mbuur asà làkwikilà amu mē, kà amu mē mpel anki nde kan'sà làkwikilà, wē amu mbuur kan'tōm sye.

⁴⁵ Mbuur aman'man, nde kan'man sye mbuur kan'tōm.

⁴⁶ Mē peelà, mē kàyi u mēen, ntṛn mbuur wanswà asà làkwikilà amu mē, ukṛṛn akal uboo a mpib.

⁴⁷ Isàkal naa mbuur kan'wem ndaa amē, wē nde ya ufàsyàäl anki, kà mē anki in'sàtsul nsaṇ ande, ntṛn mē kàyi anki mutsul nsaṇ a mēen, wē ntṛn mukun'tswà mṛṛ.

⁴⁸ Mbuur atɔn mɛ anà akɔ̃n akyey ndaa amɛ, nde we anà un'tsuül a nsaŋ ande: an'loɔŋ kàpɛɛ mɛ isun'tsuül m̃bar kà ilā a ntsuü.

⁴⁹ Ntɔn mɛ kàtɛn anki unsà ukwen amɛ ŋakwo, wɛɛ Taa, mbuur kan'tòm, kan'swɛŋ nde ŋakwo naa ininà mɛ in'tɛn, ininà mɛ in'kyään.

⁵⁰ Waa mɛ in'kyàyoɓ naa nswɛɛŋ ande ifàpà mɔ̃ a mbul a in'tye. Kyakin indiir an'tɛn mɛ, mɛ bya an'tɛn asànaa kan'swɛŋ Taa. »

13

Yesu kan'ywey in'kol a alɔŋki ande

¹ Yàmenà naa kusà a un'kyɔm a Pak, Yesu kàkyɛr ayɔɓ naa taan ande lan'kwo, taan ntɔn mulwomà u mɛɛn pà anà mukyà aka Taa. Nde kàkwen bànde abà u mɛɛn pà, nde kakwen aŋàsöönà.

² Kyekà, umpal bàkal ba mudyà làsisye, ilɛŋ kàkyàbiil itaan an'kyän u mpem a Yudasì, mwan a Simɔn Isikalyɔt, ntɔn mukun'yalà.

³ Yesu kàyoɓà naa indiir byanswà Taa kàpɛ kà an'kɔ̃ ande, naa nde kàtoo amu Nzam, nde wàmufurà aka Nzam.

⁴ Yesu kambarà u mɛsà, kàlwom ipfey adu ande, waa kàwɛl làpye, kàbām la u lɔŋ.

⁵ Ungo, nde kàsi an'dà u làlɔŋà, waa kàsɛmà muywey in'kol a alɔŋki ande, waa kàkɔ̃mà mya a làpye kàbām nde u lɔŋ.

⁶ Apan, kan'yàtol nde akà Simòn Petolà, nde waa uten a nde naa: « Mwol, ngye, an'ywey in'kol! »

⁷ Yesu waa kun'fuur naa: « Undiir in'kyer me wà, ngye wa ayòb anki apanà, wée ngye wa asayòb ungo. »

⁸ Petolà kàten a nde naa: « Aay, ngye me in'kol an'ywey anki akà ikikye! » Yesu kun'fuur naa: « Isàkal naa me mya aywey anki, ngye un'tuùb anà me watey. »

⁹ Simòn Petolà kàten a nde naa: « Mwol, isàkal abwey, twon aman'ywey nà in'kol mpel, wée anà an'koo anà un'tswe sye! »

¹⁰ Yesu kàten a nde naa: « Mbuur anàywab, nde mfun afàywab yatey, nton ndur ande yanswà yànpòjà. Bè, bè làbà anàpòjà, wée kà bè banswà anki. »

¹¹ Nde kàkyer ayòb ubwanàbwan naa nà kàlun'yala, undiir awun kàten nde naa: « Kà bè banswà anki làbà anàpòjà. »

¹² Ungò kaywey nde in'kol, Yesu kàfàbwaar ipfey adu ande, nde kàfurà u mesà, waa kàten a ba naa: « Nkye bè lan'yòb undiir amàlakyer me? »

¹³ Bè, bè làfan'bel "Un'looj" anà "Mwol", bè làbye anà ibòj, nton me in'wà nde.

¹⁴ Abun, isàkal naa me Mwol anà Un'looj, me amàlaywey in'kol, wey bè, bè sye làywey in'kol bè a bè.

¹⁵ Me amàlapà mbaan, nton bè sye làkyer asànaa amàlakyer me là.

¹⁶ Ndandaa, ndandaa, me alàkyään: un'syää!

ukwe anki ulyaan nkum ande, itàkal naa ntööm ulyaan mbuur kun'töm.

¹⁷ Isàkal naa be lan'yob indiiir abi, be làbà anjun'sak isàkal naa be lan'syaäl bya.

¹⁸ Mɛ, mɛ in'ten anki ntɔn be banswà, ntɔn mɛ in'kyayob baar kàsɔl mɛ. Wɛɛ, wey Ndaa Anàson ikwe: "Mbuur kàdyee làmpà anà mɛ, kàman'dinà làkwilà mbaar."

¹⁹ Apana, mɛ amalakyään kusà a ndaa ayi muyà, ntɔn, umpal iyàya ya, waa be làyàsà làkwilà naa "Mɛ In'wà".

²⁰ Ndandaa, ndandaa mɛ alàsam: mbuur wanswà awal mbuur an'tòm mɛ, nde kàman'wal sye. Mbuur kàman'wal, nde kan'wal sye mbuur kan'tòm. »

Ngyälà a Yesu

(Màt 26.20-25; Mlk 14.17-21; Luk 22.21-23)

²¹ Ungo' muten indiiir abi, mpem a Yesu kàkyer ayɔɔ, waa kàte imbäl ki: « Ndandaa, ndandaa mɛ alàkyään, umwey uboo abe akyer ayan'yalà. »

²² Apan, alɔŋki bàleerà ba a ba u mii, ukɔɔn ayob naa nde atɛɛnà ntɔn nà.

²³ Umwey uboo a alɔŋki, awà kàfakweenà Yesu, kàkal ukɔl a nde.

²⁴ Apan, Simɔn Petolà kun'bel imbweer: « Un'fuul, nde atɛɛnà ntɔn nà. »

²⁵ Ungo', un'lonki awà kàkàyiir kà itɔl a Yesu, waa kun'fuul naa: « Mwol, nà wa? »

²⁶ Yesu kàfuur naa: « Mbuur awà in'yàpà mɛ itiir a làmpà in'yàdümà mɛ. » Apan sye, Yesu

kàwel itiir a làmpà, kàduimà kya, waa kàpɛ kya akà Yudasi, mwan a Simòn Isikalyot.

²⁷ Pa kàya Yudasi itiir a mampà kya, Satanà laa kun'bilà nde. Yesu kàten a nde naa: « Yudasi, undiir awà ngye awà mukyer, kyer wa agyaägya! »

²⁸ Baar bàkal u mesà bàyob anki, akà mbuur mwɛy, naa ntòn nkye Yesu kun'kyään nde abwɛy.

²⁹ Bàmboon bàsii naa ntòn bõõn a ngim làkalà a Yudasi, undiir awun Yesu kun'swɛɲ nde naa nde ukyen mukàsom indiir byakàl mfun ntòn un'kyom, itàkal naa mupà an'kab akà anàlambwà.

³⁰ Pa kàwel Yudasi itiir a làmpà, nde kàtoo agyaägya: Làpib làkal anàbwà.

Nswɛɛɲ akuñ

³¹ Apan, ungō a ntoo a Yudasi, Yesu kàten naa: « Apanà, làkoo a Mwan a mbuur lan'menà, làkoo a Nzam sye lan'menà amu nde.

³² [Isàkal naa làkoo a Nzam lan'menà amu nde,] itaan a mbõõn tɛy, Nzam sye asàmɛɛy làkoo a Mwan amu nde ñakwo.

³³ Baan amɛ, mɛ in'fàsaal anki anà taan mbõõn mukal anà bɛ. Bɛ, bɛ làkyer asan'len, asànaa kàten mɛ a amfum a Ayudà: "bɛ, bɛ làkwo anki muyà u mper ayà in'kyà mɛ", mɛ in'ten a bɛ sye apanà.

³⁴ Mɛ amàlapà nswɛɛɲ akuñ: làkal anà ukwen bɛ a bɛ. Asànaa kàlakwen mɛ, wɛy bɛ sye làkal anà ukwen bɛ a bɛ.

³⁵ Isàkal naa be lan'kwen be a be, apan, baar banswà bàsàyòb naa be làbà alonki amɛ. »

*Yesu kan'kyään naa Petlà akyer asun'ton
(Màt 26.31-35; Mlk 14.27-31; Luk 22.31-34)*

³⁶ Simɔn Petlà kàfuul Yesu naa: « Mwol, ngye ken akyà? » Yesu kun'fuur naa: « Apanà, ngye akwo anki muyà mper in'kyà mɛ, wɛɛ ngye asan'lab ungöngö. »

³⁷ Petlà naa: « Mwol, ntɔn nkye mpa in'kwo mɛ muyalab apanà? Mɛ, mɛ an'kyey mupà möö amɛ ntɔn ngye! »

³⁸ Yesu naa: « Akɔɔb möö angye ntɔn mɛ! Ndan-daa, ndandaa, mɛ akyään, nkɔɔ mwey uyàtakal anàbel anki, ayan'tɔn ngye mbalà tär. »

14

Yesu wà mbwo ifàkyà akà Taa

¹ Yesu kan'ten naa: « Wey mpem abɛ iköön akyɛɛr. Làsi làkwikilà amu Nzam, làsi làkwinkilà syɛ amu mɛ.

² U ndwà a Taaràmɛ ikal byà mbɔɔn. Kya ilàkɔɔn akal abwey, mɛ in'làlakyään anki: Mɛ amàkàlálöön ikal.

³ Umpal in'sakya mɛ mukàlálöön ikal, mɛ insàfyefurà muyàlawal, ntɔn ikal in'wà mɛ, be syɛ làkàl paa.

⁴ Mɛ, ntsu in'kyà mɛ, be làkyàyòb mbwo. »

⁵ Tuma kàten a nde naa: « Mwol, bi iyòb anki mper akyà ngye. Bi ban'kwo muyòb aben mbwo a ya? »

⁶ Yesu kun'fuur naa: « Mɛ, mɛ in'wà mbwo, ndandaa anà mɔɔ. Mbuur ukwo anki mukyà akà Taa ukɔɔn alyaan u mbwo amɛ.

⁷ Ilàkal naa bɛ lan'yɔb, bɛ làlàyɔb sye Taaràmɛ. Fà apanà, bɛ làmun'yɔb, bɛ làmun'man. »

⁸ Filipino kàtɛn a nde naa: « Mwol, iswɛɲ Taa, waa ya ikwo akà bi. »

⁹ Yesu kun'fuur naa: « Filipino, mɛ an'kal anà bɛ taan mbɔɔn, wɛɛ ngye nàtan'yɔb anki? Mbuur kàman'man, kan'man Taa. Ntɔn nkye an'tɛn ngye naa: "Iswɛɲ Taa"?

¹⁰ Làsi làkwikilà naa mɛ in'wà amu Taa, naa nde wà amu mɛ. Ndaa in'fàtɛn mɛ a bɛ banswà, kà mɛ nɔkwɔ in'fàbɔn anki, Taa awà amu mɛ afàkyer isal ande nɔkwɔ.

¹¹ Làsi làkwikilà naa mɛ in'wà amu Taa, naa Taa wà amu mɛ. Naa tɛy, làsi làkwikilà ntɔn isal abi.

¹² Ndandaa, ndandaa, mɛ alàkyään: mbuur awe anà làkwikilà amu mɛ, nde sye, nde asàkyer isal in'fàkyer mɛ. Nde asàkyer byànàsòòn, ntɔn mɛ in'wàmukyà akà Taa.

¹³ Undiir wanswà làsàlɔm bɛ kà ikɔb amɛ, mɛ in'kyer asàkyer wa, ntɔn Taa uwɛl làkoo amu Mwan.

¹⁴ Isàkal naa bɛ lan'lɔm undiir mwɛy kà ikɔb amɛ, mɛ, mɛ in'kyer asàkyer wa.

Ilää mutɔm Dweelà In'kyɛɛl

¹⁵ « Isàkal naa bɛ làman'kwen, bɛ làsàsyääl nswɛɲ amɛ.

16 Waa me, me in'sàbɔɔn Taa, waa nde usàlatòòm un'lèel asin ntɔn nde ukal anà be ila' byanswa:

17 Dweelà a ndandaa mpa ban'kwo baar a meen muwal, ntɔn ba bun'manà anki, ba bun'yòb anki. Wée be, be làkyun'yòb, ntɔn nde wà apà be, anà nde asakalà amu be mbul a in'tye.

18 Me in'sàlawey anki asànaa itii, me in'kyer asàfyefurà akà be.

19 Yan'saal ikikye, baar a meen bàsan'man anki, wée be, be làkyer asan'man ntɔn me in'wà wàmɔɔ anà be, be làsàkal bàmɔɔ sye.

20 Kà ila' akin, be làsàyòb naa me in'wà amu Taaràme, naa be làbà amu me anà me in'wà amu be.

21 « Mbuur awe anà nswèen amɛ anà afàsyàäl ya, wawun mbuur afan'kwen. Kyeka mbuur afan'kwen, Taa asàkyer un'kwen, me sye in'kyer asun'kwen, waa me ñakwo in'sàmèná akà nde. »

22 Yudasi - kà Yudas mwan a Isikalyɔt anki - kun'fuul naa: « Mwol, ya yà aben naa ngye akyer asyemɛy akà bi, wée kà akà baar a meen mà anki? »

23 Yesu kun'fuur naa: « Isàkal naa mbuur mwey kaman'kwen, nde asàkaar ndaa amɛ, Taaràme akyer asun'kwen. Bi isàyà akà nde, waa isàbwaay amu nde.

24 Mbuur mpa kan'kwen, ufàkyey anki ndaa amɛ. Ndaa lan'wem be yi, kàyan'fà akà me anki, wée yà Taa mbuur kan'tòm.

²⁵ Indiir abi, me bya amalakyään utaan in'wà me anà be.

²⁶ Dweelà In'kyeel, un'leel, usàtom Taa kà ikòb ame, nde asàlalonj indiir byanswà, waa usàlaycòb ndaa yanswà kàten me a be.

²⁷ « Me amàsàlawey duu, me amàlapà duu ame. Me la alapà anki asànaa bàfàpà baar a meen. Wey mpem a be iköön akyeer, iköön ateer.

²⁸ Be làkyàwem, me kàten a be naa: "Me an'kyà anà me in'kyer asàfyefurà akà be". Yalàkal naa be làfàkyer an'kwen, be làlàkal unsà un'sak nton in'kyà me akà Taa, nton Taa kàman'söön.

²⁹ Me amàlawey indiir abi apanà, kusà a bya muyà, nton umpal isàyà bya, waa be làsàsà làkwikilà.

³⁰ Me in'safàyääm anki mböön anà be, nton mfum a meen mà wàmuyà. Itàkal abun, nde ikòb mwey kyatey udu a me,

³¹ wee, nton naa meen màyòb naa me in'kwen Taa, anà me in'fàkyer nswëej kan'pe Taa. Làmbarà, tsweenà!

15

Yesu, un'te a vin a ndandaa

¹ « Me, me in'wà un'te a vin a ndandaa, Taaràme wà ñawa.

² Nde afàtsul kòkà lanswà alà amu me anà mpa làfàtwà, wee nde afàsaal la akwà làfàtwà, nton la làbör mbej asin mböön.

³ Bɛ, bɛ lɔ̀bà anàpɔ̀ɔ̀ itaan nton ndaa kàlakyaän mɛ.

⁴ Lakàl amu mɛ, asànaa in'wà mɛ amu bɛ. Akà kɔ̀kà lɔ̀mwɛy lɔ̀kwɛ anki mubɔ̀r mben la ɲakwo isàkal naa la kà lɔ̀ anànaäm anki a mbiim a un'te, itàkal bɛ sye, bɛ lɔ̀kwɛ anki mubɔ̀r mben, isàkal naa bɛ, bɛ lɔ̀bà anki amu mɛ.

⁵ Mɛ, mɛ in'wà mbiim a un'te a vin, bɛ, bɛ lɔ̀bà an'kɔ̀kà. Mbuur awà amu mɛ, anà mɛ amu nde, nde afàbɔ̀r mben mbɔ̀ɔ̀n. Nton bɛ, bɛ lɔ̀kwɛ anki mukyer akà undiir mwɛy ukɔ̀ɔ̀n mɛ.

⁶ Mbuur mpa awà amu mɛ, nde wàɲàpiy u nsà, asànaa kɔ̀kà, laa uyɔ̀m nde. An'kɔ̀kà anàyɔ̀m bàkyer afàkɔ̀ɲà, bàtɔ̀ɔ̀m u mbaa, waa ma ikunà.

⁷ Isàkal naa bɛ, bɛ lɔ̀bà amu mɛ, ndaa amɛ sye yà amu bɛ, bɛ lɔ̀sàlɔ̀m undiir wanswà lɔ̀sàkwɛn bɛ, bɛ lɔ̀sàwal wa.

⁸ Ndaa ifàpà Taaràmɛ lɔ̀koo yà naa bɛ lɔ̀bɔ̀r mben mbɔ̀ɔ̀n, waa bɛ lɔ̀sàkal alɔ̀ɲki amɛ.

⁹ Abun, asànaa kan'kwɛn Taa, mɛ sye amàlakwɛn. Lakàl uboo a ukwɛn amɛ.

¹⁰ Isàkal naa bɛ lafasyaäl nswɛɛɲ amɛ, bɛ lɔ̀bà uboo a ukwɛn amɛ, asànaa kàkwɛy mɛ nswɛɛɲ a Taaràmɛ, mɛ in'wà uboo a ukwɛn ande. »

¹¹ « An'tɛn mɛ a bɛ abà, nton un'sak amɛ ukàl uboo abɛ, anà wa sye ukàl wàɲàkwɛ.

¹² Le nswɛɛɲ amɛ ayi: lɔ̀kwɛn bɛ a bɛ asànaa in'fàlakwɛn mɛ.

¹³ Ka we anà mbuur mwɛy anki awe anà ukwɛn a kolàkol isàkɔ̀ɔ̀n akal asànaa mukɔ̀ɔ̀b mɔ̀ɔ̀ ande nton asam ande.

14 Bɛ lãbasam amɛ isàkal naa bɛ lãfàkyer indiir in'fàlaswanj mɛ.

15 Mɛ alabel anki asyãal, ntɔn un'syãal uyɔb anki ayufàkyer nkum ande. Wɛɛ mɛ, mɛ alabel asam, ntɔn ndaa yanswà kãwem mɛ akà Taarãmɛ, mɛ ya akyãlaswanj.

16 Kà bɛ anki lan'sɔɔl, mɛ kãlasɔɔl, mɛ kãlasi ntɔn bɛ lãkyen, lãbɔr mbenj, waa mbenj abɛ ilam. Abun, undiir wanswà lãsalɔm bɛ akà Taa kikɔb amɛ, nde akyer asalapà wa.

17 Undiir alãswanj mɛ awà: lãkwen bɛ a bɛ. »

Mɛɛn man'yiinj Yesu anà bãnde

18 « Isàkal naa mɛɛn mà mãmàlayiinj, lãyɔb naa mɛ in'wà mbuur atãtwɛb kãyiinj ma.

19 Ilàkal naa bɛ làkal baar a mɛɛn, mɛɛn ikyer alàlakwen ntɔn bɛ làbà baar ama. Wɛɛ bɛ kà làbà baar ande anki: ntɔn kãlasi mɛ ukɔl, undiir awun mɛɛn màlayiinj ma.

20 Lãyɔbà ndaa kãlakyãän mɛ: "Un'lonki ukwe anki ulyanj un'lonj ande." Isàkal naa ba mɛ ban'mɛɛy nkwaan, ba bɛ sye bàsàlamɛɛy nkwaan. Isàkal naa ba bàkäär ndaa amɛ, ba bàsàkaar sye yãbɛ.

21 Wɛɛ indiir abi byanswà ba bàsàlakyer ntɔn ikɔb amɛ, ntɔn ba bayɔb anki mbuur kan'tɔm.

22 Ilàkal naa mɛ in'kɔɔn ayà anà in'kɔɔn akakyãän, ba balàkal anki anà man'be. Wɛɛ apanà, ba undiir afàkur watey ntɔn man'be aba.

²³ Mbuur kàman'yiin, nde kan'yiin sye Taaràmɛ.

²⁴ Ilàkal naa mɛ in'kòon akàkyer isal abi uboboo a ba, isal mpa kàkwe mbuur asin mukyer, ba bàlàkal anki anà man'be. Apanà ba bàkyàman bya, wɛɛ ba bàmuɸiyiin, mɛ anà Taaràmɛ.

²⁵ Wɛɛ ya yà ntɔn ndaa bàsɔn uboo un'kòon aba ikwe: "Ba ban'yiin abunàbun." »

²⁶ « Mpal usàyà un'leel in'sàlatòòm mɛ kà ikɔb a Taa, Dweelà a ndandaa lan'fà akà Taa, nde asan'teel imbal.

²⁷ Anà be sye, be làsan'teel imbal, ntɔn be làbà anà mɛ fà nsemà. »

16

¹ « Kàlakyään mɛ indiir abi, ntɔn be làkòon abwiy làkwikilà abɛ.

² Bàkyer asàlabɔŋ u ndwà a nkɔŋ a Ayudà. Yumwey ayi: taan làmuyà, mbuur asàladwa asàsi naa nde wàmupà ibɔon akà Nzam.

³ Bàsàkyer ba abà, ntɔn ba bàyɔb anki itàkal Taa, itàkal mɛ.

⁴ Wɛɛ kàlayām mɛ indiir abi, ntɔn umpal làsàkwo taan, be, be làsàyɔbà naa mɛ, mɛ kàkyalayām ya.

Isal a Dweelà Inkyeel

« Mɛɛ ya kàlasam anki fà nsemà, ntɔn mɛ kàkalà anà be.

⁵ Apanà, mɛ in'wàmukya àkà mbuur kan'tòm, wɛɛ àkà mwɛy uboo a bɛ kan'fuul anki naa: "Ngɛyɛ ken akya?"

⁶ Wɛɛ, ntɔn amàlasam mɛ abà, undiir awun mpem abɛ yan'ɔl ya a ngyɛb.

⁷ Mpalabà, mɛ amàlasam ubwanàbwan: yan'sòòn mfun akà bɛ naa mɛ, mɛ in'kyen. Wɛɛ kya mɛ impàkyà anki, un'lɛɛl akwà alàya mukàlabay, uyàfàya anki akà bɛ. Wɛɛ isàkal naa mɛ an'kyà, mɛ in'kyer asàlatòòm awà.

⁸ Waa mpal usàya nde, nde asàswan ubwanàbwan muyòb man'be aba, balàbal anà nsan a Nzam.

⁹ U ndaa iler man'be, ntɔn ba bàfàsà anki làkwilà amu mɛ,

¹⁰ u ndaa iler balàbal, ntɔn mɛ in'kyà akà Taa anà bɛ làfàsan'man anki,

¹¹ u ndaa iler nsan, mfum afàyaal mɛɛn bàyun'tsüül nsan. »

¹² « Mɛ, mɛ in'we anà indiir mbɔɔn mukàlasam, wɛɛ papanà bɛ làkwo anki mukaar bya u mpem abɛ.

¹³ Utaan usàya Dweelà a ndandaa, nde asàlatwaal unsà ndandaa yanswà. Ntɔn nde usàten anki kà ukwen ande ñakwo, nde asàten ndaa yanswà usàwem nde anà asàkyään ndaa yanswà isàya.

¹⁴ Nde asan'sà làkoo, ntɔn nde asàwal ndaa amɛ, waa usàlakyaän ya.

¹⁵ Indiir byanswà abyà byàtaa, bya sye byà byàmɛ. Undiir awun in'ten mɛ naa Dweelà

asàwal unsà byàmɛ, waa usàlakyään bya.

Ngyeb isàbulà un'sak

¹⁶ « Itaan a mbɔɔn tɛy, bɛ làsàfan'man anki, apan sye, ungo a taan ikikye, bɛ làkyer asàfan'man. »

¹⁷ Apan, amwɛy uboo a alɔŋki ande bàtɛɛnà ba a ba naa: « Ininà ndɛ ukwen mutɛn a bi naa: "Itaan a mbɔɔn tɛy, bɛ làfàsan'man anki, apan sye, ungo a taan ikikye, làkyer afàsan'man", anà sye: "Ntɔn mɛ in'kyà akà Taa"? »

¹⁸ "Taan ikikye" utɛɛnà ndɛ ikaswanà aben? Bi ikayòbà anki naa ininà ndɛ utɛɛnà! »

¹⁹ Yesu kàyòb ndɛ naa ba bàkwen mukun'fuul, waa kàtɛn a ba naa: « Bɛ làbàmulɛn uboo a bɛ muyòb naa mɛ ininà in'kwen mutɛn: "Itaan a mbɔɔn tɛy, bɛ làfàsan'man anki, apan sye, ungo a taan ikikye, bɛ làkyer afàsan'man." »

²⁰ Ndandaa, ndandaa, mɛ alàkyään, bɛ, bɛ làkyer asàlɛl anà làsàsà un'saabà, mpal isàkal mɛɛn musan. Bɛ làsàkal u ngyeb, wɛɛ ngyeb abɛ isàbulà un'sak.

²¹ Umpal ufàkal un'kaar anà in'swan, mpem ande ifàkal udu udu ntɔn taan ande lan'kwo. Wɛɛ isàkal naa ndɛ kan'bɔr, ndɛ afàdiimà usaay abà banswà, waa usan ntɔn kan'bɔr ndɛ mwan.

²² Lalan nàbawà bɛ làbà u ngyeb mbɔɔn. Wɛɛ mɛ, mɛ in'kyer afàsàlaman, mpem abɛ isàkal unsà un'sak, mbuur asàladuum wa watɛy.

²³ « Abun, ilā akīn, akā undiir mwɛy bɛ làfàsan'fuul anki. Ndandaa, ndandaa, mɛ

alàkyään, undiir wanswà lāsàlòm be akà Taa, nde akyer asàlapà wa kà ikòb amɛ.

²⁴ Tii apanà, akà undiir mwey be nàtālòm anki kà ikòb amɛ. Lālòm, waa be lāsàwal, ntòn un'sak abe ukàl wàṇàkwo. »

Yesu kan'ten kà imɛɛy a alɔŋki

²⁵ « Indiiir abi mɛ katen a be unsà nsim. Taan lāmuyà, alà mpa in'fàsàlasam mɛ abà, wɛɛ alà in'sàlakyaään mɛ kà imɛɛy ndaa iler Taa.

²⁶ Ilà'akin, be lāsàlòm akà Taa kà ikòb amɛ, mɛ in'ten anki naa mɛ in'sàlālōm akà Taa,

²⁷ ntòn Taa akyàlakwen nde ṇakwo, ntòn lan'kwen be anà lāsì be lāk wikilà naa mɛ kafu'akà Nzam.

²⁸ Mɛ, mɛ kàtoo amu Taa, waa mɛ kàyi u mɛɛn. Apanà, mɛ in'wàmulwomà u mɛɛn anà mufurà akà Taa. »

²⁹ Alɔŋki bàten a nde naa: « Le, apanà ngye an'ten kà imɛɛy, ukòon asyāāl nsim.

³⁰ Apanà bi kan'yòb naa ngye ayòb indiiir byan-swà, anà ngye mfun yatey naa mbuur kafuul ndaa. Undiir awun waa bi kan'sà lāk wikilà naa ngye an'fa aka Nzam. »

³¹ Yesu kafuur naa: « Nkye apanà be lan'sà lāk wikilà?

³² Le, taan lāmuyà, apanà la lan'kwo, alà lāsàtà be upay, mbuur mbuur a mbwo ande, lāsàn'wey be anàyen. Wɛɛ mɛ kà in'wà anàyen anki, ntòn Taa wà anà mɛ.

³³ Amalakyään mɛ indiiir abi ntòn be lākàl anà duu amu mɛ. Be lābà uboo a lingyoomà u

méen mà. Wée làkàl anà un'kanà, mē, mē méen
akyun'wal ibōñ! »

17

Ngyamàkà a Yesu ntòn alɔŋki ande

¹ Ungō kàtèn nde abà, Yesu kàler u du, waa
kàtèn naa: « Taa, taan lan'kwo, mēy làkoo a
Mwan angye, ntòn nde sye umēy làkoo angye.

² Ngye kun'pē ikōb udu a baar banswà, ntòn nde
upē mōō a mbul a in'tye akà baar kun'pē ngye.

³ Wée mōō a mbul a in'tye wà naa ba bàyōb ngye
mpel, Nzam a ndandaa, anà bàyōb Yesu Klistō,
awà kàtōm ngye.

⁴ Mē, mē kàkyapà làkoo u méen. Mē akyàmay
isal akyan'pē ngye mukyer.

⁵ Apanà, ngye, Taa, mpē làkoo akwà kàkàl mē
alà akà ngye, kusà méen mukal.

⁶ Mē, mē ngye akyamēy akà baar akwà kàtwey
ngye u méen ntòn mukan'pà. Ba bàkàl bàngye,
waa ngye kan'mpe abà, waa ba bàkäär ndaa
angye.

⁷ Apanà, ba ban'yōb naa indiir byanswà
kan'mpe ngye, byan'fà akà ngye.

⁸ Ntòn mē ba kape ndaa kan'mpe ngye. Ba
ya bàkyàwal. Ba bàkyàyōb ndandaa naa mē
kàtoo amu ngye, waa ba bàsi làkwikilà naa ngye
kan'tōm. »

⁹ « Ngyamàkà amē yà ntòn ba. Mē in'yamà anki
ntòn méen, wée ntòn baar kan'pē ngye, ntòn ba bà
bàngye.

¹⁰ Indiir byanswà in'wà mè abyà, byà byàngye. Indiir awà ngye abyà, byà byàmè. Mè kàwèl lākoo amu ba.

¹¹ Mè in'fàkal anki u mēen, wēē ba, ba bà u mēen. Mè in'wàmukyà akà ngye. Taa In'kyēel, aler unsà ikōb a ikōb angye, ikōb akwà kan'pè ngye, ntōn ba bàkāl mwēy asànaa ibà bi mwēy.

¹² Umpal kàkal mè anà ba, mè, mè ba kàfalerà kà ikōb a ikōb angye kan'pè ngye. Mè ba afàkyer atii, lalan, akà umwēy kadiimà anki, nà mwan anadiimà mbwo, ntōn Ndaa Anàson ikwe.

¹³ Apanà, mè in'kyà akà ngye. Indiir abi mè an'ten umpal in'wà mè u mēen, ntōn ba bàkāl anà un'sak amè u mpem aba, un'sak wanjàkwo.

¹⁴ Mè, mè kapè ndaa angye, baar a mēen bàkyer ayiinj, ntōn ba kà bà baar a mēen anki, asànaa mè mpa in'wà mè wàmēen.

¹⁵ Mè, mè in'loim anki naa ngye alwom u mēen, wēē mukatii ntōn Njube.

¹⁶ Ba kà baar a mēen anki, asànaa mpa in'wà mè mbuur a mēen.

¹⁷ Asi ukol ntōn ngye u mbwo a ndandaa: ndaa angye yà ndandaa.

¹⁸ Asànaa kan'tōm ngye u mēen, mè sye ba amatōm u mēen.

¹⁹ Mè an'sà nduir amè njakwo akà ngye ntōn ba, ntōn ba sye bàkāl bàngye ndandaa. »

²⁰ « Mè in'yamà anki ntōn ba mpel, wēē sye ntōn baar abà basàsà lākwikilà aba amu mè u mbwo a an'loṇṇ aba.

²¹ Wēy ba banswà bàkāl mwēy, asànaa ngye,

Taa, ngye awà amu mɛ anà mɛ in'wà amu ngye, wey ba sye bàkàl mwey amu bi, ntɔn mɛɛn màyòb naa ngye kan'tòm.

²² Mɛ, mɛ ba akyapà làkoo kan'pɛ ngye, ntɔn ba bàkàl mwey, asànaa naa bi ibà bi mwey:

²³ mɛ amu ba, ngye amu mɛ, ntɔn ba bàkàl bàṅakwo mwey, waa mɛɛn màyòb naa ngye kan'tòm, naa ngye ba akyakwen asànaa kan'kwen ngye.

²⁴ Taa, mɛ in'kwen naa ikal in'wà mɛ, ba sye bàkàl paa, anà ba bàmen làkoo kan'pɛ ngye kusa a nkyeer a mɛɛn.

²⁵ Taa a balàbal, mpal mpa mayòb mɛɛn, wɛɛ mɛ, mɛ kàkyayòb, ba abà bàkyayòb naa ngye kan'tòm.

²⁶ Mɛ kàkyer naa ba bàyòb ikɔb angye, mɛ in'yàfàkyer naa ba bàyòb kya, ntɔn ukwen kan'kwen ngye bàkàl amu ba, anà mɛ in'kal amu ba. »

18

Nkɔ̃r a Yesu

(Màt 26.47-56; Mlk 14.43-50; Luk 22.47-53)

¹ Ungò muten abà, Yesu kàkyen anà alɔṅki ande u sim a un'lwey bàfàbel Sèdrɔn. Akun làkal anà làpan làmwey, waa kàkàbilà kwo anà alɔṅki ande.

² Kyekà Yudasì, mbuur kun'yalà, kàkyayòb ikal aki, ntɔn Yesu kàfakyeenà kwo mbalà mbɔɔn anà alɔṅki ande.

³ Nde kàkàl kusa a un'lwan a anjita bun'pe andweer a angan anà Amfarisi, waa kàbilà u làpan anà isüü a mbaa, anà mwinà anà an'tà.

⁴ Apan, Yesu kàyob indiir byanswà byun'yeel, nde kàkyen mper akà ba, anà kafuul naa: « Nà be làyilen? »

⁵ Ba bun'fuur naa: « Yesu, un'nsi Nasàler. » Yesu kàten a ba naa: « Mè awà. » Kyekà, uboo a ba, Yudasi, mbuur kun'yalà, kàkàl mwo.

⁶ Umpal kàten Yesu a ba naa: « Mè awà », ba bàfura lingo, waa bàbü u mēen.

⁷ Yesu kafafuul naa: « Nà be làyilen? » Ba naa: « Yesu, un'nsi Nasàler. »

⁸ Yesu kafuur naa: « Mè in'kyàten a be, mè awà. Isàkal naa be mè làyilen, abun lawey baar bumwey bà kàkyen kàba. »

⁹ Abun yàlàkwo ndaa kàten Yesu naa: « Uboo a baar kan'pe ngye, mè akà umwey kàpiy anki. »

¹⁰ Apan, Simōn Petolà kàkàl anà kōm, nde kàswwam la kà inkwà, kàkām la un'tsüüj a undweer a angan, waa la lun'ywaan tsu'la ibaal. Un'tsüüj awà ikōb ande kyàkal Malkusu.

¹¹ Wēē Yesu waa kàten a Petolà naa: « Fuur kōm angye uboo a inkwa a la. Nkye mè in'sanwa anki kōb kan'pe Taa munwà? »

Yesu bāmun'twaal kusa a An

¹² Apan, ikōj a anjita anà mfum aba, anà aleer a amfum a Ayudà, bàkōr Yesu, waa bun'la' in'sinj.

¹³ Ba bàtun'syen akà An. Nde kàkàl ukwà a Kayifa, undweer a angan u mbul awun.

¹⁴ Kyekà Kayifa awà, wà mbuur kàpɛ amfum a Ayudà lwɛɲ naa: « Yà mfun naa mbuur mwɛy uku' ntɔn un'sɛɲ a baar. »

Petɔlà kan'tɔn Yesu

(Màt 26.69-70; Mlk 14.66-68; Luk 22.55-57)

¹⁵ Simɔn Petɔlà anà un'lɔŋki wumwɛy bayilabà Yesu. Undweer a Angan kàkyun'yoɔb un'lɔŋki awà. Nde kàbilà mbwo mwɛy anà Yesu u làpan a undweer a angan.

¹⁶ Simɔn Petɔlà kàkal u nsà, tsutsu' a munàmbwo. Abun, un'lɔŋki awà kàyoɔb Undweer a Angan, kàyàtoo nde, kàyàm a un'kaar kàkal un'leer a munàmbwo, waa nde kàbiil Petɔlà.

¹⁷ Apan, un'syaäl a un'kaar, un'leer a munàmbwo, kàten a Petɔlà naa: « Nkye ngye, ngye sye kawumwɛy anki uboo a alɔŋki a mbuur awunà? » Petɔlà kun'fuur naa: « Aay, kà mɛ anki. »

¹⁸ Asyaäl anà aleer bàyoɔbà bɔl a mbaa a an'kal, waa bàyörà ya, ntɔn mpye yàkyer akal. Petɔlà sye kàkal paa muywar mbaa anà ba.

Undweer a Angan wàmufuul Yesu

(Màt 26.59-66; Mlk 14.55-64; Luk 22.66-71)

¹⁹ Apan, un'dweer a angan kàfuul Yesu unsà ndaa iler alɔŋki anà an'lɔɔɲ ande.

²⁰ Yesu kun'fuur naa: « Mɛ, mɛ kàtɛɛnà kimeɛy akà baar. Taaɲ lanswà, mɛ kàyilɔɔɲà u ndwà a nkɔɲ a Ayudà anà u ndwà a Nzam, ikal bàfàkɔɲ Ayudà banswà. Akundiir mwɛy wàɲàyeɛ kàten mɛ watey.

²¹ Ntɔn nkye an'fuulà ngye? Fuul baar bàwem ndaa kàtɛn mɛ, ba bàkyà'yob ubwanjàbwan ndaa kàtɛn mɛ! »

²² Umwɛy uboo a aleer bàkāl paa, umpal kàwem nde mfuur a Yesu ayi, waa kun'kām mbar, anà muten naa: « Nkye ngye undweer a angan un'fuur abwɛy? »

²³ Yesu kun'fuur naa: « Isàkal naa mɛ an'tɛn ube, swan ba. Isàkal naa mɛ an'tɛn ubwan, ntɔn nkye aman'kam ngye mbar? »

²⁴ Apan, An kun'tɔm wànjàbām in'sin akun'dweer a angan Kayifa.

Petolà kan'fàtɔn Yesu

(Màt 26.71-75; Mlk 14.69-72; Luk 22.58-62)

²⁵ Utaan nsil alan, Simɔn Petolà kàkalà paa, wàmuywar mbaa. Ba bun'fuul naa: « Nkye ngye sye awumwɛy uboo a alɔŋki ande? » Petolà waa kàtɔn: « Naa, kà mɛ anki. »

²⁶ Umwɛy uboo a asyàäl a undweer a angan, un'tɔŋ a mbuur awà kàywaan Petolà tsü ande, kàtɛn naa: « Nkye mɛ kamen anki anà nde uboo a làpan? »

²⁷ Wɛɛ Petolà waa kàfun'tɔn. Utaan nsil alan, nkɔɔ mwɛy waa kàbɛl.

Yesu kusà a Pilatu

(Mat 27.1-2,11-14; Mlk 15.1-5; Luk 23.1-5)

²⁸ Apan, ba bàsyen Yesu u ndwà a kuvernöör fà ndwà a Kayifa. Yàkāl ututu. Baar bun'twāl bàkyer atɔn mubilà u ndwà a kuvernöör, ntɔn mukɔɔn asà ndür aba làbiin anà ba bàdi Pak.

29 Abun, kuvernöör Pilatu kàyaman u nsà, waa kafuul naa: « Undiir nà lan'fuiin be mbuur wà? »

30 Ba bun'fuur naa: « Ilàkal naa mbuur awà uköön akyer ube, bi ilatwaäl awa anki. »

31 Abun, Pilatu kàten a ba naa: « Lun'wèl, lun'tsuül nsan be ñakwo unsà un'koon abe. » Ba bun'fuur naa: « Bi iköb mutsuül mbuur mbar a ukwa kyatey. »

32 Kyakin, yàkwe ndaa kàten Yesu muswan naa nde kalàkwà aben.

33 Apan, Pilatu kafurà u ndwà, waa kàsweñ naa bun'twaäl Yesu. Nde kun'fuul naa: « Nkye ngye, ngye awà mfum a Ayudà? »

34 Yesu kafuur naa: « Nkye ngye an'ten unsà an'kyän angye ñakwo lee baar asin bàmakyaän ntön me? »

35 Pilatu kafuur naa: « Nkye me, me in'wà Un'yudà? Baar a nsi angye anà amfum a angan bàmayalà akà me! Inina ngye an'kyer? »

36 Yesu kafuur naa: « Imwol amè kà kyà meen mà tey. Ilàkal naa kya ikàl kyà meen mà, asyää! amè balàkyer an'nwään naa bàkoon an'yalà akamfum a Ayudà. Naa, imwol amè kà kyà meen mà anki. »

37 Apan, Pilatu kàten a nde naa: « Iswanà naa ngye awà mfum? » Yesu kun'fuur naa: « Ngye an'ten ngye ñakwo naa me in'wà mfum. Me, bàkyer an'bor, waa me kàyi u meen ntön mutà imbal akà ndandaa. Mbuur wanswà awunsà ndandaa afawem ndaa amè. » –

38 Pilatu kun'fuul naa: « Ndandaa ininà? »

*Yesu bàmutsuül mbar a ukwà
(Mat 27.15-31; Mlk 15.6-20; Luk 23.13-25)*

Ungö a ngök ayi, Pilatu kàfàkàman amfum a Ayudà u nsà, waa kàten a ba naa: « Mè akà undiir in'men anki kan'kwo mutsuül mbuur wà mbar a ukwà.

³⁹ Wée asànaa akyà kya ifà abe naa mè alàwèey mbuur mwèy kun'kyom a Pak, nkye be làkyàkwèn naa mè in'wèy mfum a Ayudà? »

⁴⁰ Apan ba banswà bàfàsà in'kwèn: « Naa, kà nde tey, wée Banabasi! » Kyekà, Banabasi awà kàkal un'dwää̃baa.

19

¹ Apan, Pilatu kàsweñ mutwal Yesu anà mukun'kam an'füm.

² Anjità bàtòñ nkar a nsyeenà, waa bun'bwä̃ya kun'tswe. Ba bun'bwä̃ sye kàzak a tsöö.

³ Ba bàsinà tsutsu' apà nde, waa bàteenà naa: « Mfum a Ayudà, mbor angye! » Ba bun'kamà mbar.

⁴ Pilatu kàkyer afátoo, waa kàten a amfum a Ayudà naa: « Làler, mè in'kyer alatwääl awà u nsà: be làkyer ayob naa mè in'men anki ube kan'kyer nde. »

⁵ Abun, Yesu kàyátoo wàñàbwaa nkar a nsyeenà anà kàzak a tsöö. Pilatu kàten a ba naa: « Le baal! »

⁶ Pa bun'men andweer a angan anà aleer, ba bàsi in'kwèn: « Un'beerà u kulunsi! Un'beerà u kulunsi! » Pilatu kàten a ba naa: « Lun'wèl anà lun'beerà be ñakwo u kulunsi, wée akà mè, mè

in'men anki undiir kan'kwo mukun'tsuül mbar a ukwa. »

⁷ Amfum a Ayudà bun'fuur naa: « Bi iwe anà un'koon, mulab un'koon awà, nde akyer akwà, nton nde kàkyeyà uyol naa nde wà Mwan a Nzam. »

⁸ Mpal kàwem Pilatu ndaa ayi, nde kàfàman bɔɔma mbɔɔn.

⁹ Nde kàfura u ndwà, waa kàfuul Yesu naa: « Ngye, ngye awà un'nsi nà? » Wɛɛ Yesu kun'fuur anki akundiir.

¹⁰ Apan, Pilatu kàten a nde naa: « Ngye an'nton mukan'pà mfuur? Nkye ngye ayob anki naa mɛ, mɛ in'we anà ikɔb mukawey itakal mukabeerà u kulunsi? »

¹¹ Wɛɛ Yesu kun'fuur naa: « Ngye ikɔb alàkal akyà anki, ilàkal naa Nzam ukɔɔn akapà kya. Undiir awun, mbuur awà kàman'yalà akà ngye, we anà man'be manàsöönà. »

¹² Fà apan, Pilatu kàlenà mukun'wey. Wɛɛ amfum a Ayudà bàsi in'kwen: « Isàkal naa ngye amun'wey, ngye kawà un'sam a Sezar anki! Mbuur wanswà afàkyey uyol naa nde wà mfum, nde kan'kyey naa nde wà nankir a Sezar! »

¹³ Mpal kàwem Pilatu ndaa ayi, nde kàsyen Yesu u nsà, kàbwaay u làbay a nsan, kikal bàfàbel naa « Plase pave » - unsà ebelyɔ naa « Ngabàtà ». »

¹⁴ Kya kyakàl ilà mulɔɔn un'kyom a Pak u midi. Pilatu kàten a Ayudà naa: « Le mfum abɛ! »

¹⁵ Wɛɛ ba bàsemà musà in'kwen: « Uku! Uku! Un'beerà u kulunsi! » Pilatu kàfàten a ba naa: « Nkye mɛ in'beerà mfum abɛ u kulunsi? »

Andweer a angan bāfuur naa: « Bi mfum asin watey, Sezar mpel. »

¹⁶ Apan Pilatu wa kape awà ntɔn bun'beerà u kulunsi.

Mbɛɛrà a Yesu u kulunsi

(Mat 27.32-44; Mlk 15.21-32; Luk 23.26-43)

Apan ba bàsyen Yesu.

¹⁷ Yesu kàisyeeenà kulunsi ande, nde ñakwo, nde kàtoo u nsà a bul ntɔn mukyà ikal akyà bàfàbel naa « Bɔl a un'tswe », unsà ebelyɔ bàfàbel « Ngɔlɔngɔta ».

¹⁸ Akun ba bun'beerà u kulunsi anà baar, baar bɔɔl: mwey u kɔɔ a ibaal, mwey u kɔɔ a ikaar, Yesu uboboo.

¹⁹ Pilatu kàsɔn isɔn udu a kilàbàä, waa kàbeerà kya udu a kulunsi. Kya kyàkal anàsɔn naa: « Yesu un'nsi Nasàler, mfum a Ayudà. »

²⁰ Ayudà mbɔɔn bàtäjä isɔn abi, ntɔn ikal bàbeerà Yesu u kulunsi kyàkal tsùtsu a bul, anà isɔn bya sye bàsɔn unsà ibelyɔ, unsà ilate anà unsà ingeleki.

²¹ Abun, andweer a angan a Ayudà bàten a Pilatu naa: « Twon an'sɔn naa "mfum a Ayudà", wɛɛ sɔn naa: "mbuur wà kàkyey uyɔl naa nde kàkal mfum a Ayudà." »

²² Pilatu kàfuur naa: « Ayan'sɔn mɛ, mɛ an'sɔn ya. »

²³ Mpal ban'may anjità mun'beerà Yesu u kulunsi, ba bàwɛl ipfey ande, bàsi bya an'kab an'nà, mbuur mbuur kàwɛl kab làmwɛy. Làsàsal nà

kàzak ande. La làkàl anki lànjàtsum: ipfey mwey fà du tii u ngyel.

²⁴ Anjità bàteenà ba a ba naa: « Wey bi iköön akaam kya, wée bi itoom lób, nton muyob naa ná awal kya. » Nton naa Ndaa Anjàson ikwe:

« Ba bàsi ipfey amɛ an'kab
anà ba bàtöom lób nton kàzak amɛ. »

Byabi indiir bàkyer anjità.

²⁵ Baar bàkàl tsütsü a kulunsi, anà Yesu babà: ngwàn, mpään a ngwàn, Màlye un'kyay a Kòlopasi, anà Màlye un'nsi Makdalà.

²⁶ Yesu kàmen nde ngwàn anà un'lonki kàfakweenà nde ukol a nde, nde kàten a ngwàn naa: « Un'kaar, le mwan angye wàbaal. »

²⁷ Ungo waa kàten a un'lonki naa: « Le ngwa. »
Fà apan, un'lonki kun'wel u ndwà ande.

Nkweel a Yesu

(Màt 27.45-56; Mlk 15.33-41; Luk 23.44-49)

²⁸ Ungo a ndaa ayi, nde kàyob naa indiir byan-swà byakyàkwo itaan, nton Ndaa Anjàson ikwe, Yesu kàten naa: « Mfwaä yàman'kaar. »

²⁹ Paa làkàl anà làbuun anàyol a vin a nyàn, ba bàbàim ikaam a ipfey anànwemà unsà vin a nyàn alan u nswen a kòka a kite bàfàbel naa isop, waa bun'bàimà kya u mun.

³⁰ Pa kànü nde vin a nyàn alà, nde kàten naa: « Yanswà yan'kwo! » Abun, nde kàtsulà un'tswe, waa kàfuur möö.

Nità mwey kan'tuub bel a nsyäärà a Yesu

³¹ Kya kyàkal ilà ayòhà un'kyòm a saba. Ntòn mukòon awéy ndom isinakalà u kulunsi ilà a saba, ntòn kya kyàkal ilà a kolàkol, amfum a Ayudà bàkàlòm mbwo akà Pilatu ntòn bàbòöl ya in'kol anà bàlwom ya.

³² Apan, anità bàbòöl in'kol a mbuur atàtweb anà myà mbuur wàýweel bàbèerà u kulunsi mbwo mwey a Yesu.

³³ Mpal bàkòlà ba apà Yesu, ba bun'men wàhàkwà, waa mpa bun'bòöl in'kol.

³⁴ Wée umwey uboo a anità, kun'kuil kwan u bel a nsyaära, apan sye an'kil anà an'dà waa màýátoó.

³⁵ Mbuur kàmen ya, kàte imbal. Imbal ande kyà ndandaa. Nde, nde akyàyòb naa nde kan'ten ndandaa ntòn bè sye làsi làkwikilà.

³⁶ Abun, indiir abi byàyi ntòn Ndaa Anàson ikwe: « Bàsun'boöl anki akun'kwo ande mwey. »

³⁷ Ntsu'yumwey, Ndaa Anàson iten naa: « Ileeer aba isàkal akà mbuur bàkùl ba kwan. »

Mbiil a ndom a Yesu kan'dii.

(Màt 27.57-61; Mlk 15.42-47; Luk 23.50-56)

³⁸ Ungò a indiir abi, un'lonki a Yesu mwey ikòb ande Yòsefi, un'nsi Alimate, kàkyen akà Pilatu u nku, ntòn boómà a Ayudà, mulòm mbwo mulwom ndom a Yesu. Pilatu waa kàkyey. Abun, Yòsefi kàkàlwom ya.

³⁹ Nàkàdim sye, mbuur akwà kàkyen mukàman Yesu u mpib, kàtwal isii an'kilò

an'kwem an'tär mà may a usonj mà mir ànjàtuüb anà alowë.

⁴⁰ Ba babööl bawel ndom a Yesu, balal ya ikaam a ipfey a lino, batyanj ya may a usonj, asanaa awà ifa a Ayudà bafadyee ba akü'aba.

⁴¹ Kikal babeera Yesu u kulunsi lakal anà lapanj. Uboo a la makal anà an'dii akün, mpa amànjatàsà mbuur akikikye.

⁴² Abun, ba Yesu bun'töl kwo, nton ngyöön a Ayudà anà an'dii sye makal tsutsu.

20

An'dii a ipol

(Màt 28.1-8; Mlk 16.1-8; Luk 24.1-12)

¹ Ututu a ila atätweb kyà mpòsà, u kilàpib, Màlye un'nsi Makdalà kàkyen an'dii, waa kàmen nkonj yanjàlwomà.

² Apan, nde kàwura ntiin, kàkàman Simòn Petolà anà un'lonjki kàfakweenà Yesu, waa kàten a ba naa: « Mwol bàkyun'lwom kan'dii, bi iyob anki naa bàmusa ken. »

³ Petolà anà un'lonjki wumwey waa bàkyen an'dii.

⁴ Ba babööl bawura ntiin, weë un'lonjki wumwey kàyiwurà anàlyanj Petolà, waa kàkàkolà mbuur atätweb kan'dii.

⁵ Nde kanyee nton muler, waa kàmen ikaam a ipfey a lino byànjatool u meen. Weë nde kàbilà anki uboo a an'dii.

⁶ Simón Petolà kàyun'labà nde, waa kàyàkòlà sye. Nde kàbilà uboo a an'dii, waa kàmèn ikaam a ipfey byànjàtòol u meen,

⁷ anà ipfey bàfwe un'tswe a Yesu. Kya kyàkàl anki ikal imwey anà ikaam a ipfey a linɔ, wɛɛ kya kyàkàl kyanàbweɔl, kyanàtòol ikal asin.

⁸ Apan, un'lonki akwà kàkàkòlà kusà kan'dii waa kabilà sye. Nde waa kàmèn, waa kàsi làkwikilà.

⁹ Ntɔn ba bàkàl anàtàyòb anki Ndaa Anàsɔn ayà iteɛnà naa Yesu kàkyer alàwiyà uboo a aku.

¹⁰ Ungò apan, alonki bàfurà ndwà aba.

*Yesu an'kàmènà akà Màyè a Makdalà
(Màt 28.9-10; Mlk 16.9-11)*

¹¹ Màyè kàkàl u nsà, tsùtsù a an'dii, wàmulelè. Umpal kàlèlè nde, nde kanye ntɔn muler uboo a an'dii,

¹² nde kàmèn akyeey abòòl bàkyàbwaar ipfey a pɛɛl, bànjàbwaay kikal bàtòl ndom a Yesu, mwey ntsù a un'tswe, mwey ntsù a in'kol.

¹³ Akyeey bun'fuul naa: « Un'kaar, ntɔn nkye alèlè ngye? » Nde kafuur naa: « Mwol amɛ bàmun'lwom, mɛ in'yòb anki naa bun'si ken. »

¹⁴ Ungò mutɛn abà, nde kàler ungò, waa kàmèn Yesu kakyàmbar paa, wɛɛ nde kàyòb anki naa awunà nde.

¹⁵ Yesu kàtɛn a nde naa: « Un'kaar, ntɔn nkye alèlè ngye? Nà ngye alenà? » Wɛɛ nde kàsii naa un'syàal a làpan kàkàl, waa kàtɛn a nde naa: «

Mwol, isàkal naa ngye kun'lwom, nkyään, ngye kun'si ken, waa mɛɛ in'kun'wal. »

¹⁶ Yesu kàtɛn a nde naa: « Màyɛ! » Nde waa kàbulà, kun'fuur unsà Ibelyɔ naa: « Rabuni! », iswanà naa « Un'lonɔ ».

¹⁷ Yesu kàtɛn a nde naa: « Twon aman'ba, nton mɛ nɛtábeenà anki akà Taaràmɛ. Wɛɛ kyen kakyaän atɔɔ amɛ naa mɛ an'beenà akà Taaràmɛ awà Taaràbɛ sye, akà Nzam amɛ awà Nzam abɛ sye. »

¹⁸ Abun, Màyɛ un'si Makdalà kàkyen akalɔɔki, waa kasam naa: « Mɛ, mɛ an'man Mwol, le ndaa kan'kyään nde. »

Yesu kan'mená akalɔɔki ande

(Màt 28.16-20; Mlk 16.14-18; Luk 24.36-49)

¹⁹ Làsisye a ilà nsil aki, ilà atátweb kyà mpɔsà, alɔɔki bàkàkoɔ u ndwà, ibeenà byàkàl byàɔdubà a in'kanàboo, nton ba bàtiinà boomà a amfum a Ayudà. Yesu waa kàyi, kàmbär uboboo a ba, waa kàtɛn a ba naa: « Duu làkàl anà bɛ! »

²⁰ Ungo muten abà, nde kamɛɛy an'kɔɔ anà bɛl a nsyàärà ande. Alɔɔki banswà bàkàl unsà un'sak muman Mwol.

²¹ Yesu kafàtɛn a ba naa: « Duu làkàl anà bɛ! Asànaa kan'tòim Taa, mɛ, mɛ sye amalatom. »

²² Ungo a ndaa ayi, nde kaful un'swey, waa kàtɛn a ba naa: « Làwɛl Dweelà In'kyɛɛl!

²³ Akà baar abà làsàdwaäl bɛ nkul a man'be aba, ba bàsawal ndwääl a nkul. Wɛɛ akà baar mpa làsàdwaäl bɛ nkul, ba ya sye bàsawal anki. »

Yesu anà Tuma

²⁴ Kyekà Tuma awà bàfàbel Didimɔ, umwey uboo a Bàkwem Anjiweel kàkàl anki anà ba umpal kàyi Yesu.

²⁵ Abun, alɔŋki bumwey bun'kyään naa: « Bi kan'man Mwol. » Wɛɛ nde kafuur naa: « Isàkal naa mɛ in'men anki idiim a in'samar kan'kɔɔ ande, isakal naa mɛ in'kula anki lapin amɛ kikal a in'samar anà kɔɔ amɛ u bel a nsyäärà ande, mɛ in'sà anki làkwikilà. »

²⁶ Wɛɛ ungɔ a ilä naan, alɔŋki bàfàkɔŋ u ndwà, Tuma kàkàl anà ba. Ibeenà byanswà byakàl byànàsà in'kanàboo. Yesu kàyi nde, kàmbar uboboo a ba, waa kàten a ba naa: « Duu làkàl anà bɛ! »

²⁷ Ungɔ waa kàten a Tuma naa: « Sin làpin angye pà, ler an'kɔɔ amɛ. Sin sye kɔɔ angye, fwaar la u bel a nsyäärà amɛ. Wey mukal un'syeel a mbaan, wɛɛ bulà anàlàkwikilà! »

²⁸ Tuma kun'fuur naa: « Mwol amɛ, Nzam amɛ! »

²⁹ Yesu kàten a nde naa: « Nkye nton aman'man ngye, waa ngye an'sà làkwikilà? Un'sak mbɔɔn akà baar mpa bàmen, waa bàsi làkwikilà! »

Isin a un'kaan awà

³⁰ Yesu kàkyer idiim asin mbɔɔn u mii a alɔŋki ande abyà mpa bàsɔn uboo a un'kaan awà.

³¹ Indjir abi bàsɔn nton bɛ làsi làkwikilà naa Yesu wà Klistɔ, Mwan a Nzam, naa sye u mbwo a làkwikilà alà, bɛ làkàl anà mɔɔ kíkɔb ande.

21

Yesu kan'menà akà alonki nsambwaar

¹ Ungö a indiir abi, Yesu kàfàmèná akalonki ande kun'kool a ewà a Tiberyade. Le, nde kàyàmèná aben akà ba:

² Simón Petolà, Tuma - bàfàbel naa Didimo, Natanayel un'nsi Kana u Ngalile, baan a Zebeday anà alonki bōōl bumwey bàkal ikaal imwey.

³ Simón Petolà kàten a ba naa: « Mè, mè awin'kyà in'kalwab nsō. » Ba bāten a nde naa: « Bi ikyà anà ngye! » Laa bàtoo ba, bàbilà ba u bwaar, wée u mpib ayin, ba akundiir bàsiim anki.

⁴ Taan lākāl lan'tyà, Yesu kākāl anāmbar paa kun'kool a an'dà. Wée alonki báyobà anki naa awun Yesu kākāl,

⁵ Apan, Yesu kàten a ba naa: « Baan amè, nkye be làwe anà undiir adyà? » Ba bun'fuur naa: « Naa. »

⁶ Nde kàten a ba naa: « Làtōom an'tey u kōō a ibaal a bwaar, waa be làyàman. » Abun, waa ba bàtōom ma, wée ba bàkwe anki munaan ma, nton nsō yākāl mbōon.

⁷ Apan, un'lonki kàfakweenà Yesu kàten a Petolà naa: « Awà Mwol! » Pa kàwem Petolà naa Mwol kākāl, nde kabwäär ipfey, nton nde kākāl nsāpol, waa kàbū kan'dà.

⁸ Alonki bumwey bāyi anà bwaar, nton munaan an'tey mākāl anàyōl a nsō: ba bàkal anki kwel a nkankyel, isii a metre nkam mwey.

⁹ Utaanj bàtòlà ba u nkankyel, ba bàmen bòi a an'kal a mbaa anà nsò'udu, anà mampà.

¹⁰ Yesu kàten a ba naa: « Látwääl nsò'yumwey uboo a nsò'lan'siim be. »

¹¹ Simón Petòlà kàbìlā u bwaar, kànaan an'tey u meen, ma màkal anà'òl a nsò'an'kol an'kol: nkam mwey a an'kwem an'tyeen anjitar. Itàkal naa ya yàkal un'kàbò, an'tey màkaamà anki.

¹² Yesu waa kabel: « Yää, làdi. » Akà un'lonki mwey kàkwe anki mukun'fuul naa: « Ngye, ngye nà? » Ntòn ba bàkiyobà naa awà Mwol kàkal.

¹³ Abun Yesu kàsin nde, nde kàwel mampà anà nsò, waa kakääh.

¹⁴ Ayi yàkal mbalà yàtär ayà kàmenà Yesu akalonki ande, fà kàwiya nde uboo a aku.

Yesu anà Petòlà

¹⁵ Ungò a udyà, Yesu kàfuul Simón Petòlà naa: « Simón, mwan a Ywan, nkye ngye akyan'kwen anàsöön baar bà? » – Nde kàfuur naa: « Inye, Mwol, ngye akyà'òb ngye ñakwo naa me in'kyakwen. » Apan Yesu kàten a nde naa: « Sey baan a in'kòk amé. »

¹⁶ U mbalà yayweel, Yesu kun'fuul naa: « Simón, mwan a Ywan, nkye ngye akyan'kwen? » Nde kàfuur naa: « Inye, Mwol, ngye akyà'òb naa me in'kyakwen. » Yesu kàten naa: « Kal nkyeē a in'kòk amé. »

¹⁷ U mbalà yàtär, nde kàten a nde naa: « Simón, mwan a Ywan, nkye ngye akyan'kwen? » Petòlà kàmen ngyeb ntòn kun'fuul Yesu mbalà yàtär naa: « Nkye ngye akyan'kwen? » Nde kun'fuur naa:

« Mwol, ngye mbuur ayòb ndaa yanswà, ngye akyàyoòb naa mɛ, mɛ in'kyakwen! » Yesu waa kàtɛn a nde naa: « Sey in'kòk amɛ.

¹⁸ Ndandaa, ndandaa, mɛ akyàän: mpal kàkal ngye un'tò, ngye ñakwo kàfabäämä un'kab, ngye kàkyeenà ntsu' yanswà kàkweenà ngye. Wɛɛ mpal asàbulà ngye un'nün, ngye asayaama an'koo angye, waa mbuur asin usabäämä un'kab, nde sye usasyeenà ntsu'mpa akwen ngye. »

¹⁹ Kàtɛn nde abà, Yesu kàkwen muswan naa nkweel a Petlà isàkal aben ntɔn mupà Nzam làkoo. Ungò mutɛn abà, nde kàtɛn a nde naa: « Yan'làb! »

Yesu anà un'lonki kàfakweenà nde

²⁰ Petlà kàler ungo, kàmen nde un'lonki kàfakweenà Yesu - nde akwà kàkayiir kitòl ande umpal bàkal ba mudyà anà kun'fuul naa: « Mwol, nà asayalà? »

²¹ Mpal kun'mɛn Petlà, nde kàfuul Yesu naa: « Mwol, atòl nde, ininà isàkal? »

²² Yesu kun'fuur naa: « Isàkal naa mɛ in'kwen naa nde ukàl anà mɔò tii mpal in'saya mɛ, a aka ngye mwo nkye? Ngye, yan'làb! »

²³ Fà apan, làsan lapää akatɔn naa un'lonki awà usàkwà anki. Kyekà, Yesu kàtɛn anki naa un'lonki awà usàkwà anki, wɛɛ nde kàtɛn naa: « Isàkal naa mɛ in'sakwen naa nde ukàl tii mpal in'saya mɛ, a aka ngye mwo nkye? »

²⁴ Un'lonki nsil awà, wàmutà imbal a indiidr abi anà kàson bya, bi ban'yob naa imbal ande kyà ndandaa.

Ntsulà

²⁵ Yesu kàkyer indiidr asin mboon. Yalàkal naa bàson bya imwey imwey, me in'sii ikal kyalakal anki musà in'kaan myanswà balàson.

Bible Iyansi
The New Testament in the Yansi language of the
Democratic Republic of the Congo: Bible Iyansi

copyright © 2024 Seed Company in coordination with Forum Communautaire des Traducteurs de la Bible et Alphabétisation

Language: (Yansi)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Sep 2025 from source files dated 10 Jul 2025

533ada40-f65c-5c48-9141-b107f37a0a9f